

WANT

Wantok
SSH Current Shelves
UC San Diego
Received on: 01-15-04

Wan Wik, Januari 1 - 7, 2004

NIUSPEPA BILONG OL PNG STRET

Namba 1537

K1 tasol

INSAIT:

P2... UN fos bai was yet long Bogenvil.

P3... Mekere kros long gavman sasim skul fi.

P18... Grup kros long poto bilong Saddam Hussein - Wol nius.

P19... Asbisop Sir Brian Barnes autim tingting.



• Long lephan - Tripela man Iran i sindaun ausait long banis bilong ol bihain long guria i bin brukim ol haus na olgeta samting bilong ol long las wiken.
• Antap - Sampela lain i laki long painim wanwan samting bilong ol long haus bilong ol we i bin bruk long guria. Ol i nogat haus moa na ol i kisim liklik kago ol i ken painim na go long kea senta we ol lain i nogat haus i bung long en.

Guria kilim 30,000 pipel long Iran

SAMTING olsem 30,000 pipel i dai long Iran bihainim bikpela guria i bin kamap long Krismas wiken.

Birua i bin kamap long olupela siti we i gat histri long Baibel longtaim yet em nem bilong em Bam long kantri Iran.

Iran em neiba kantri bilong Iraq long Midel Is.

Bam siti we i gat 100,000 pipel long en i stap long bikpela hevi nau bihain long wanpela guria we mak bilong em inap long 6.3 long Rikta skel i bin kamap long boksing de las Fraide long bikmoning Desemba 26 taim ol pipel i slip yet i stap.

Guria ya i bagarapim tru siti, ol pipel, ol bilding bilong bipo taim yet na olgeta narapela samting moa.

I kam inap long aste (Trinde), ol ripot i tok ol i painim pinis bodi bilong 22,000 pipel i bin dai tasol i gat bilip olsem mak bai go antap long 30,000.

Wok long painim ol lain i stap laip yet i bin pinis aste bikos nau yet.

Na siti i wok long pulap long strongpela sting bilong ol daiman. Ol helpim woklain i wok long digim ol matmat long planim hariap ol dailain.

Ol kantri i bung wantaim nau long helpim dispela bikpela bagarap na birua i kamap long Iran insait long las 10 yias.

Ol ripot i tok moa long 30,000 pipel i kisim bagarap na ol i wok long kisim helpim na tu, planti haus long dispela olupela siti, sampela em ol i bin stap moa long

2,000 yias i bagarap na pundaun olgeta.

Ol helpim woklain bilong Red Cross, Yunaitet Nesens na ol arapela helpim grup moa bilong ol kantri long wol i stap pinis long Iran long givim helpim long dispela bikpela birua.

Wanpela helpim wokman bilong Yunaitet Nesens grup i tok bihain long faivpela de, i nogat sans i stap long painim sampela lain i stap laip yet.

Em i tok ol dai bodi i pulap kapsait long ol strit long siti, ol matmat i pulap, bikpela kol, ren, moa liklik guria, kirap nogut na kisim nating ol samting bihain long bagarap i wok long kamapim hevi long ol wokman o wok bilong givim helpim.

Ol atoriti i pret olsem sik inap long bruk bikos long ol bodi i wok long sting nating. Sampela ples i stap klostu long Bam siti i kisim bikpela bagarap na dai tu long guria ya.

Presiden Mohamad Khatami bilong Iran taim em i tok tenkyu long helpim we ol kantri i givim i tok Iran i no inap long wokim samting long helpim em yet bihainim dispela kain bikpela hevi tru.

Tasol i gat ol ripot tu i kamap olsem sampela yangpela bikhet man i wok long go insait long siti na pretim ol aid o helpim woklain na stilim ol kanvas, blanket na ol narapela samting we ol lain i laik tilim long ol pipel i stap long hevi.

Bikos mak bilong ol daiman i bikpela tru, ol i wok long karampim

ol dai bodi o ol hap hap bodi long blanket na tromoim i go long matmat.

Ol ripot i tok sampela pipel i stap insait long ol selhaus tasol planti tu i stap ausait bikos i nogat inap kanvas haus long putim ol insait long en na bikpela kol i bagarapim tu ol.

Amerika i salim pinis ol wokman na ol helpim saplai i go long Iran. Dispela em namba wan taim balus bilong Amerika na tu, helpim i go long Iran stat yet 1981 taim pasin bilong holim kalabus ol balus i bin go nogut.

Amerika i bin brukim wok bung wantaim Iran long 1979 taim sampela Iran sumatin i bin go insait long embasi bilong Amerika long Tehran na kisim 52 manmeri bilong Amerika olsem ol kalabus.

Planti mama i kisim sik AIDS

Yakam Kelo i raitim

NAMBA bilong ol manmeri i gat sik AIDS i sanap mak long 7587 insait long Papua Niugini nau stat long yia 1987 i kam taim dispela sik i bin kamap nupela taim insait long kantri.

Ripot bilong klinik i soim tu olsem planti mama i wok long kisim dispela sik AIDS taim ol i go long klinik bilong ol mama.

Ripot bilong Nesanel AIDS Kaunsil i soim olsem long dispela yia 2003 namba bilong ol mama i bin kamap long klinik wantaim sik AIDS

i bin sanap olsem 477 olgeta. Dispela em ol nupela ripot.

Olsem na luksave bilong Nesanel AIDS Kaunsil i ting moa long 20,000 manmeri insait long Papua Niugini tude i wok long stap wantaim sik AIDS.

Ripot i tok rekot bilong ol mama i bin gat sik AIDS na i bin kamap long ol klinik bilong ol mama long 1998, 1999 na inap 2003 long dispela yia i bin go antap.

Krismas bilong planti ol mama wantaim ol dispela sik i stap namel long 15 na 24 krismas.

Dispela rekot bilong ol mama i go antap olgeta yia insait long kantri i mekim kamap bikpela

pret nau insait long ol atoriti na gavman na famili tu wantaim.

Rekot i soim olsem ol bikpela siti olsem Mosbi, Hagen na Lae i save stap antap long ol arapela taun wantaim namba bilong ol manmeri wantaim sik AIDS.

Tasol nau arapela senta tu i wok long kamap planti wantaim moa manmeri i wok long kisim dispela sik na namba bilong ol tu i wok long go antap.

Ripot i tok dispela em i klia olsem ol papa i raun na karim sik i go givim ol mama long haus olsem na awenes i mas sut long ol long mak na skel bilong ol.


RAIN OL COLEMAN PRODUCT MIPELA MAKIM LONG OL BRIAN BELL STUA NA

..winim sans long Lukim GRAND FINAL bilong ONE DAY CRICKET LONG AUSTRALIA

BEST PRICE BEST QUALITY GUARANTEED

SUMMER OF CRICKET
AUSTRALIA-INDIA-ZIMBABWE
TEST & ONE DAY SERIES

Brian Bell Shop with a friend
COLEMAN PRODUCTS ARE DISTRIBUTED EXCLUSIVELY BY BRIAN BELL AND AUTHORIZED DEALERS NATIONWIDE.



• Sief ov staf Nevi Kene Tom Urr i amasim krismas wantaim ol opisa bilong em. POTO: JOE IVAHARIA

PNG Difens Fos i lukluk long yia 2004

Joe Ivaharia i raitim

PAPUA Niugini Difens Fos (PNGDF) bai lukim bikipela senis i kamap insait long nupela yia, 2004, we ol bai katim sais bilong PNGDF i go daunbilu.

Dispela toktok em Sief ov Staf, Nevi Kenel Tom Urr i bin mekim long wanpela krismas bung wantaim ol soldia long Murray Barracks we em wantaim ol sinia opisa bilong PNGDF i bin givim kaikai igo long ol arapela soldia long amamasim dispela de.

PNGDF bai lukim nupela wok kamap long opis bilong ol we bai i gat senis long ol wok komand. Pesenol brens bai nau stap aninit long Sapot Komand na bai i gat planti trening i kamap long nupela yia wantaim ol ami bilong ol arapela kantri olsem Australia, Nu Silan, Frans na US, Kenel Urr i tok.

Kenel Urr i bin salim bikipela tok tenkyu i go long ol soldia bilong em long taim bilong ol long sevim God, Kwin na Kantri.

PNGDF i wanpela sevis ogenaesen na wok bilong yumi em long givim helpim igo long ol pipel bilong PNG we dispela helpim yumi givim ol pipel bai lukautim laip bilong ol i go long narapela dei, em i tok.

Long sem taim em i givim wanpela salens igo long ol soldia bilong em wantaim dispela askim i kam long J.F.Kennedy; "I no wanem samting Papua Niugini bai mekim bilong yu tasol wanem yu ken mekim long kantri bilong yu na PNGDF."

Senisim sampela pasin bilong yupela long nupela yia. I gat sampela samting we yumi i no inap larim ol man i kam na tokim yumi long mekim. Dispela em:

- Strongim disiplin bilong yu yet,
- Senisim pasin bilong yu igo long ol pablik,
- Harim toktok gut na soim sampela rispek i go long ol sinia opisa bilong yu na ol arapela manmeri tu, na
- Go long lotu.

Long wankain taim tu Kenel Urr i tokim ol soldia tu olsem long Fraide Januari 2, 2004 em i dei bilong prea na tingting we em i askim olgeta soldia i mas tekpat long mekim nupela yia 2004 i mas kamap gut long ol na long PNGDF tu.

Obseva Misin long Bogenvil bai stap bek

• • • UN Sekyuriti Kaunsil surukim taim long sikspela mun

Veronica Hatutasi i raitim

YUNAITET Nesens Obseva Misin long Bogenvil (UNOMB) bai stap na karimaut wok bilong em long narapela sikspela mun.

Yunaitet Nesens Sekyuriti Kaunsil (UNSC) i givim tok orait pinis long skruim taim inap long mun Jun long nupela yia, 2004.

Tasol UNSC i katim mak bilong ol wokman bai stap bek long Bogenvil i go daun long tupela tasol.

Em long Dairekta na wanpela politikel etvaisa.

UNOMB opis i gat sikspela woklain na dispela em long dairekta, tupela politikel etvaisa, wanpela militeri etvaisa na tupela long etministresen.

Na ol i kisim tu sampela PNG wokman meri long karimaut ol wok i stap long Arawa opis.

UNOMB opis long Arawa i tokim *Wantok* olsem opis i kisim toksave i kam long UNSC long Krismas wik tasol bihain long askim bilong PNG gavman.

"Long ripot we Sekyuriti Kaunsil i salim i kam, em i tok,

bikos dispela em bikipela samting, bai ol i skruim taim bilong UNOMB i go long narapela sikspela mun inap long Bogenvil i kirapim nupela otonomi gavman bilong em. Tasol em i katim mak bilong ol woklain na larim tupela man tasol olsem dairekta na wanpela politikel etvaisa long stap bek na go hetim wok.

"Ol bikipela samting we UNOMB bai stap bek na givim helpim long kamapim em long pinisim wok bilong lusim ol gan na tu, go hetim Bogenvil Mama Lo na kirapim otonomi gavman," UNOMB opis long Arawa i tok.

Ol Nesenel Gavman na Bogenvil lida na pipel i amamas tru bikos ol i luksave long bikipela na gutpela wok we UNOMB na ol opisa bilong em i wokim long sapotim na go hetim gut wok long painim gutpela sindaun long Bogenvil.

Olgeta grup i stap insait long wok bilong stretim Bogenvil i luksave long dairekta Ambaseda Noel Sinclair na ol woklain bilong em olsem ol i stap long niutrel o namel posisen na ol i no save wansait, tasol mekim gut ol wok bilong ol long helpim olgeta grup long Bogenvil.

Bogenvil i bagarapim pinis 120 gan ... 1,950 i stap long kontena

WOK long bagarapim na tromoim ol gan long Bogenvil i go het nau na i kam inap tude, ol i bagarapim samting olsem 120 gan pinis.

Long ol ripot we *Wantok* i kisim long Bogenvil, Stej 3 em wok long bagarapim na tromoim ol gan i bin stat long Desemba 23 long Piva insait long Torokina we ol bin katim na bagarapim 86 gan na karim long helikopta na tromoim i go long biksolwara. Wok i bin go het long Desemba 24 taim ol bin wokim wankain wok long ples Lontis long Buka we ol Bogenvil Liberesen Fran em ol eks resistens paitman i bin bagarapim na tromoim 39 gan. Long namba wan de bilong nupela yia 2004, wankain wok i kamap long Togarau long Wakunai eria.

Ripot i tok taim ol ples na grup i redim olgeta wok, na ol i toksave long UNOMB husat i go sekim ol kontena, opim wantaim ki ol i holim na helpim long muvim ol kontena long hap we komyuniti i laik witnessim ol lain UNOMB i bagarapim ol gan ya.

Long wankain taim tu, samting olsem 1,950 gan em ol i putim ol pinis long kontena we long namba wan wik, ol i bagarapim pinis 120 long ol.

Opis i tok ol i amamas long gutpela wok go het i kamap na dispela i kamap wantaim bikipela laik long kirapim nupela gavman bilong Bogenvil yet.

Opis i tok em i bilip olsem long nupela yia, wok bai go gut na karim kaikai taim planit moa gan ol i putim long kontena long inapim Stej 2 na moa yet ol i katim na bagarapim na tromoim.

Opis i tok planit komyuniti i bihainim wankain rot long tromoim ol gan we ol i bagarapim pinis long solwara.

Opis i tok tenkyu long gutpela luksave we komyuniti long Bogenvil, ol lida bilong Bogenvil na Nesenel Gavman i putim long ol.

Ol turis amamasim krismas long Buka



• Ol meri Buka singsing na welkamim ol turis long wof. Poto: JEREMY BURGESS

Jeremy Burgess i raitim

BUKA Taun i bin pulap kapsait wantaim ol turis long dispela krismas husat i bin amamas tru long lukim ples na ol pipel we i wok long kamap orait bihain long planti yia bilong hevi.

Turis sip *MV Melanesian Discoverer* bilong Inta gavman Rilesens na Bogenvil Afeas Minista Sir Peter Barter i bin kisim 50 turis long krismas amamas raun bilong ol na Bogenvil em wanpela ples we ol bin go long en. Ol bin go kamap long hap long Krismas de stret.

Ol tok i bin kamap pinis olsem turis sip ya bai go kamap long Buka na taim sip i anka long hap long Krismas de, planti pipel i pulap long bris na ol bin welkamim ol turis wantaim ol gutpela singsing tumbuna na danis bihainim pairap bilong mambu ben.

Planti long ol turis i bin go long sios sevis we Katolik na Yunaitet Sios ol bin holim long Hutjena.

Krismas Sios sevis i bin naispela tru na kongrikesen i bin welkamim ol turis na gutpela felosip i bin kamap.

Sampela turis i bin raun long taun na limlimbur i go long ol ges haus long painim dring samting.

Ol bin amamas tru long gutpela pren na helpim pasin we ol pipel i givim long ol long raun na sotpela stap bilong ol long Buka.

I go long apinun, ol pipel i wok long putim kamap ol singsing na danis inap long san i go daun taim sip i bin lusim Buka wantaim gutpela musik bilong ol Buka pipel i pairap long yau bilong ol turis.

Planti pipel tu i wok long raun i go na lukim sip. Long wan wan taim, samting olsem 100 pipel i go raun na lukim insait bilong dispela turis sip.

Ol turis i bin lukim wok we planti lain i karamapim tu ol intenesenel komyuniti i mekim long helpim Bogenvil i kamap gutpela gen.

Wanpela turis i bin laikim stret gutpela pren pasin bilong ol pipel na ples i wok long kamap orait na i tok em i gutpela nau long ol pipel i go raun long provins.

Long de bipo ol turis i go kamap long Buka, wanpela seremoni i bin kamap long ples Lontis we ol bin bagarapim na katim na tromoim ol gan long solwara.

Disepia em bikipela samting ol pipel i wokim bikos ol i laikim gutpela sindaun long ol taim i kam.



Sir Mekere i no amamas long Gavman apim skul fi

Chrissilla Kabe Talis i raitim

LIDA bilong Oposisen Sir Mekere Morauta i no amamas long harim olsem skul fi bai igo antap long dispela yia.

Em i tok planti papamama ino inap long baim skul fi bilong wanem em i antap tumas. Sir Mekere i tok planti pikinini husat laik go long skul bai i no inap go tu.

Em i tok skul fi bilong 3 o 4-pela pikinini long wanwan famili i klostu wankain olsem mani wanwan manmeri save kisim long

wanwan yia. Olsem wanem bai ol famili i givim gutpela edukesen long ol pikinini bilong ol, baim kaikai na ol kolos, na ol bai mekim wanem sapos ol i kisim sik?" em i tok. Sir Mekere i tok Gavman i no lukluk gut long ol dispela samting long ol pipel bilong PNG. Em i tok Gavman mas putim stop long ol skul fi na i no apim ol, bai olgeta pikinini kisim edukesen.

Em i tok dispela disisen bilong Gavman em i no stret tru long ol pipel. Em i tok Gavman ino lukluk gut long bihain taim o wanem samting wok long kamap nau na

yet em i apim skul fi.

Em i tok mani mas go long edukesen bai gutpela samting i kamap long bihain taim.


Sir Mekere i sori tru long ol trangu manmeri wantaim ol pikinini bilong ol. Em i tok Gavman wok long mekim edukesen i kamap olsem sans bilong ol mani lain tasol na wok long lukluk long ol dispela trangu manmeri olsem ol liklik manmeri bilong sosaiti.

Em i tok edukesen ino sans, em rait bilong wanwan manmeri na pikinini.

Sir Mekere i tok Gavman ino-

gat lewa bilong em stret. Em i tok Gavman i apim prais bilong olgeta samting pinis long ol stoa taim em i putim impot levi o takis long 2004 baset, het takis long wanwan ples manmeri, na apim tu takis bilong ol wokmanmeri taim em i katim namba bilong ol famili long 4 i go daun long 3. Em tok nau Gavman i givim bikpela hevi moa long ol papamama taim em i apim ol skul fi.

Em i tok strong long Gavman noken westim mani long ol samting we ino impoten na em i mas putim mani long ol impoten samting olsem edukesen.



• Hau yu kam, hau yu go. Dispela em bikpela toktok nau long Madang taim atoriti i rausim ol setelmen long las wik. Ol polisman na ol gavman opisa i tokim ol blok lain olsem, hau yu kam hau yu go. Hatim bel toktok ya. Tasol bai yu kisim we long egensim ol. Dispela toktok nau i stap long maus bilong planti pipel na ol sain nabaut long rot.

• Planti pipel long Mosbi siti i askim sapos ol dispela ekstra polisman bilong Australia i mekim sampela wok pinis long siti o nogat.

Long krismas taim nogat man i lukim ol dispela Australia polisman i mekim wok long ol siti olsem na planti pipel i mekim planti askim nabaut.

• Krismas pati bilong sampela lain i kamap long rong taim stret. Ol i makim gutpela ples tru bilong holim pati na olgeta wokmanmeri na famili i amamas na redi gut tru long dispela krismas pati.

Tasol long 12 kilok belo bek, bikpela tru i pundaun na i no pinis hariap inap long 4 kilok apinun. Ating sampela kalabus lain i mas belhat na singautim ren long dispela taim na ol woda i kisim taim tru long pati.

• Wanpela pikinini em hapman tru ya. Em tokim mama long olgeta stori papa i mekim long san taim long haus. Papa i belhat na askim, yu lukim long ai bilong yu ah?. Na boi nogut i tok, yes, na bai yu mekim wanem ah?.

Papa i sotwin tru. Sampela taim ol papa noken giaman sik na stap bek long haus na dring SP bikos ol pikinini tu i ken ripot ya. Na bai yu mekim wanem?

• Kas man bilong Wantok ya bai traim gen long lusim smok long dispela niu yia. Em i bin traim planti taim pinis long olgeta niu yia tasol em i no winim. Em i save lusim smok sotpela taim tasol na kisim bek kwiktai. Mipela i harim em i toktok long tromoi smok long dispela yia olsem na mipela bai lukim sapos em i ken win long dispela taim wantaim niu yia promis bilong em long lusim smok.

Yali stopim plis long rausim ol setelmen

Chrissilla Kabe Talis i raitim

GAVANA bilong Madang James Yali i givim oda long stopim plis long karimaut wok bilong rausim ol setelmen long Madang taun long las wik. Em i givim dispela oda bihain long planti manmeri ol i rausim i nogat haus, wara na kaikai.

Em tok em i no laikim dispela hevi long kamap bikpela moa.

Gavana Yali i tok ol plis mas stopim wok bilong ol pastaim na larim ol Ke Senta na Ripetriesen Komiti lukautim ol dispela lain inap long ol trenspot bilong ol i kamap long kisim ol igo long wanwan ples bilong ol.

Em tok ol plis mas stap na lukluk tasol na wok klostu wantaim ol Ke Senta na ol Ripetriesen Komiti. Gavana Yali tok ol plis mas mekim wok bilong ol yet long lo na oda i mas stap.

Tasol Wantok i kisim wanpela ripot long wanpela man husat i no laikim Wantok long tokaut long nem bilong em olsem ol plis wok long stopim ol Red Cross wokmanmeri long mekim wok bilong ol.

Mista Yali tok ol plis i tok long bagarapim wanem samting o halivim Red Cross i laik givim long ol dispela lain husat istap long dispela hevi bilong rausim ol setelmen.

Em tok tu olsem ol plis i tokim ol narapela manmeri istap long Madang olsem ol ino inap isi long ol sapos ol painimaut olsem ol helpim ol dispela lain plis i rausim long ol setelmen.

Mista Yali tok planti bilong ol famili ol plis i rausim long ol setelmen i bin stap na slip nating aninit long ol diwai long taim bilong ren na kol tu.

Em tok ol plis i mekim red yet bihain long ol kisim kot oda i kam long Nesenel Kot long Waigani pinis long stopim dispela ekksesais.

Mista Yali tok tu olsem ol plis i bin yusim gan long sutim wanpela yangpela man long Wagol, wanpela setelmen insait long Madang. Em tok ol plis i bin kukim haus bilong dispela mangi long nait na long moning taim em bin go long sekim haus bilong em, ol i sutim em. Dispela manki i stap nau long Madang Jenerel Haus Sik.

Wantok i kisim toktok tu olsem Ombudsmen Komisen wok long mekim wok painimaut long dispela hevi long Madang.

Komisen i kisim toktok olsem ol Gavman Atoriti i bagarapim sindaun bilong planti pipel long ol setelmen long Madang.

Ol dispela komplek i kamap pinis long Komisen na ol bai mekim disisen long lukluk moa long dispela.

Komisen i harim olsem long taim bilong rausim ol setelmen, ol Gavman Atoriti i bin bagarapim sindaun bilong planti pipel, we plis i bagarapim ol haus na ol narapela samting bilong ol na planti famili i bin stap wantaim nogat haus, kaikai na wara.

Komisen bai lukluk gut long dispela long painimaut moa long wanem samting dispela pasin i mekim long ol pipel.

Em i tok ol pablik solisita wantaim ol opisel bilong ol bai stap tasol na lukluk long helpim ol lain husat raits na fridom bilong ol i bin bagarap.



• Setelmen paia long Madang. Foto: MICHAEL NOVINGU

Madang asples werim plis yunifom na kukim ol haus

Michael Novingu i raitim

OL setelmen we Madang atoriti na plis i bin kukim haus bilong ol i no amamas bikos ol sampela asples Madang wwe ol i no plisman i bin werim yunifom bilong plis na kukim ol haus, katim buai, kokonas na bagarapim ol arapela samting bilong ol.

Wanpela komyuniti lida bilong Wagol Sodas Setelmen Barnanas Pomo i tokim Wantok olsem, em wantaim ol lain bilong em i ai witness sampela man asples Madang we ol i save gut long ol i kamap polisman hariap tru na i kam insait long setelmen wantaim ol Madang atoriti na plis na bagarapim ol samting i stap long setelmen. Taim ol setelmen lain i lukim ol na askim ol, ol i bekim na singaut pasim maus, graun bilong tumbuna bilong yu, pek ap na i go bek long asples bilong yu.

Dispela ol asples Madang i kamap ekting plisman we ol arapela setelmen lain long ol arapela setelmen tu i lukim.

Mista Pomo i go moa na i singaut i go long ol Human Raits Atoriti, Ombudsmen Komisin na Plis Kominsina long mekim wanpela wok painimaut bikos em i bilip olsem dispela ino stret long man nating i werim polis yunifom na bagarapim ol samting bilong ol pipel. Em i tok dispela eviksen o wok bilong rausim ol setelmen i no olsem eviksen ekksesais. Nogat em i olsem disasta we man i kamapim. Ol i no rispektim mipela olsem mipela i pikinini bilong man wankain olsem ol na mipela i gat rait na fridom long stap long Madang provins na dispela wol, mipela i no ol man nogut o ol raskol.

Provinsel Plis Komanda Nema Mondia i tokim Wantok olsem em i no save long dispela pasin na em i tok polis fos ino inap tru long mekim kain pasin olsem. Ol i no inap long givim plis yunifom long ol man nating long werim na mekim wok bilong plis fos. Olsem na em i tok em i no save long dispela.

Wantok i harim long planti setelmen lain olsem ol i luk-

save long ol asples Madang i mekim dispela pasin. Sampela i luksave long ol long pes na sampela em ol wanwok. Wanpela setelmen man i tok wanpela man ya i wanwok bilong em long Madang Siti Kaunsil na em i kirap nogut tru long lukim wanwok ya i werim plis yunifom na mekim dispela samting.

Wod 8 kaunsil tu i tok ol i luksave long planti asples lain bilong Madang insait long plis yunifom i mekim dispela wok. Mipela i save long pes na ples bilong ol, em i tok.

Ol setelmen lain ya i tok eviksen em i gutpela tasol ol atoriti na polis i no bihainim gut ol rot o we bilong rausim ol setelmen. Nogat ol i yusim ol birua samting long pusim mipela aut. Mi bilip olsem dispela pasin i no stret, na dispela kain pasin bai bagarapim dispela kantri o nogat, em i askim.

Bikpela ren i pundaun yet na planti famili kisim taim tru we ol i slip ausait long ren long las wik yet i kam nau bihain long haus bilong ol i bruk na paia nabaut.

Haphap Stori

Is na Wes Sepik nogat trabel long krismas

Chrissilla Kabe Talis i raitim

SANDAUN Provinsel Plis Komanda Joe Poema na Is Sepik Provinsel Plis Komanda i tok krismas long tupela provins wantaim i gutpela wantaim nogat ripot bilong wanpela trabel i kamap. Olgeta manmeri i bin i sindaun gut na amamas gut long dispela bikpela de bilong krismas long komyuniti na asples bilong ol wanwan.

Morobe plis holim pinis trabel man bilong 1999

MOROBE Plis i holim pinis wanpela man long krismas de 25 Desemba 2003 husat ol plis i bin painim long foapela yia olgeta.

Wantok i harim olsem long 1999, Isaac Tony, 23 krismas bilong em nau) na em i bilong Yalu viles we i stap autsai tasol long Lae siti wantaim sampela man i bin stilim K400,000.

Em i bin ronawe long plis long 1999 yet i kam inap long nau taim plis i holim em.

Morobe Plis Komanda Sief Superintenden Giossi Labi i tok plis i holim dispela man long ol sas bilong holim sotgan na stil na brukim banis na stil we i save kamap namel long Lae siti na Yalu viles.

Em i tok plis bai askim em tu long dai bilong tupela man namel long Lae siti na Yalu viles we plis i bilip olsem em i mekim.

Sief Superintenden Giossi i tok Morobe Plis i kisim tu 8-pela moa man husat i bin stap wantaim Tony long taim plis i holim em.

Olgeta dispela man i stap nau long han bilong plis we ol wok long kisim askim bilong plis.

Em tok dispela tasol em wanpela bikpela samting we i bin kamap long hap.

Sief Superintenden Giossi i tok krismas yet long hap em nogat ol trabel i kamap.

Em i tok strong long olgeta lain long Morobe long selebretim na welkamim niupela yia 2004 long wanwan haus o ples bilong ol yet. Em i tok tu long noken bagarapim ol narapela man o meri bilong taun o ples bilong wanem plis bai givim hat taim tru long ol lain husat i brukim lo.

Sif Superintenden Giossi i tok tenkyu tu long Morobe Gavman na Dipatmen bilong Morobe long givim sapot bilong ol long stopim hevi bilong lo na oda insait long Morobe.



• Ol yangpela meri bilong Butika viles insait long Is Sepik provins i mekim save long kukim kumu bilong ol lain husat i bin kamap long wanpela bung bilong Ela Motos na Sepik Sevings na Lons Sosaiti. Dispela bung i lukim Ela Motos na Sepik Sevings na Lons Sosaiti i givim wanpela ka long ol lain long Butika viles. Ol meri ya i hatim skin stret long kuk. (Aninit) Kisim poto em nupela samting log ol lain long Butika viles. Ol poto: EDWARD MEATA



Kot pepa stopim plis long rausim ol setelmen

Michael Novingu i raitim

LAS wik ol atoriti bilong setelmen asosiesen i bin kisim wanpela interim oda long pasim ol plis na atoriti long i noken rausim ol setelmen long Madang taun.

Tasol ol atoriti i no bihainim dispela interim oda na igo het na fosim ol setelmen lain long muv aut na kukim daun ol haus, katim buai, banana, kokonas, kilim pik, kakaruk, pato na bagarapim ol kaikai long gaden.

Wantok Niuspepa i bin lukim ol dispela bagarap i kamap long ol dispela setelmen DCA, Eapot Poin, Wagol Sodas, Yangoru

Kompaun, Bundi Kem, Lavalava, Hendi Mat, Banana Blok, Marop Kem, Mambu Lodge na Pablik Tenk erias.

Long dispela taim yet Wantok Niuspepa i bin raun long nait long taim bilong ren na lukim ol pipel i kisim bikpela bagarap nogat haus ol i taitim ol liklik sel na katen haus long haitim ol. Tasol ren i bin kam strong tru na bagarapim ol tru. Ol liklik pikinini i bin kisim bikpela bagarap tru.

Tasol ol plis i bin i go bek long moning na brukim daun gen ol dispela haus na askim ol setelmen lain long lusim dispela eria na go bek long ples bilong ol. Na ol plis

i singaut olsem 'hau yu kam hau yu go long ples bilong yu'.

Wanpela setelmen man long Wangol Sodas setelmen i tokim Wantok Niuspepa em ino laik givim nem olsem em wantaim ol lain bilong em i trupela lain bilong setelmen. Ol i soim wanpela setifiket we John Simbai wantaim ol komiti bilong em i givim bilong soim ol plis i noken kukim haus tasol ol plis i bagarapim mipela stret. Ol i no rispek long mipela olsem mipela ol man olsem ol yet. Em i tok nau yet mipela i nogat hap bilong i go, mipela i no save sapos gavman inap helpim mipela o nogat.

Long wankain taim tu, las wik Nesanel Gavman i givim K400,000 i go long helpim ol setelmen lain we ol samting bilong ol polis i bin bagarapim.

Ekting Edministreta bilong Madang Provinsel Gavman Dunstan Augustine i tokim Wantok long Madang olsem mani Nesanel Gavman i salim i kam i no kamap yet na mipela i dinau long K50,000 bilong rijinel memba Sir Peter Barter Diskresen Fan na bai mipela i bekim taim dispela K400,000 i kam kamap.

Nau yet sampela setelmen lain we ol plis i bagarapim haus bilong ol, ol i stap aninit long lukaut bilong

Motobaik i kilim wanpela manki long Boksing De

LONG Aitape, Sandaun provins, wanpela yangpela man Is Sepik i bin dai taim motobaik i bamim em.

Sandaun Provinsel Plis Komanda Joe Poema i tok dispela birua i bin kamap long hap pas wan long bikpela moning long namba 26 de bilong mun Desemba 2003.

Em tok bodi bilong dispela mangi i stap nau long Aitape mog na ol plis i wok long mekim wok painimaut yet long dispela.

Mista Poema i tok dispela em wanpela ripot tasol em i kisim long krismas taim.

Em tok long Lumi boda yet na ol narapela hap long Sandaun provins i bin gutpela wantaim nogat trabel long krismas.

PNG i soim Solomon Ailan long Iko Forestri

Stephanie Elizah i raitim

KANTRI Solomon Ailan bai lukluk long Faundesen bilong Pipel na Komyuniti Dvelopmen (FPCD) Iko Forestri Projek long Madang provins long mekim wankain long Solomon Ailan.

Ol lain karim nem bilong wanpela intenesenel oge-naisesen, Yuropien Yunien (EU) i bin bung wantaim ol opisa bilong FPCD Iko Forestri Progrem long save moa long dispela projek long Madang.

Wanpela man karim nem bilong Solomon Ailan EU Hendrick Sten, meri bilong em na man karim nem bilong Papua Niugini EU David Freyne i bin bung tu

wantaim ol lain bilong Madang na Sumkar Distrik Madang Fores Risos Ounas Asosiesen (MFROA).

FPCD Eksekutyif Dairekta Yati Bun i tok as bilong bung wantaim MFROA na FPCD em long harim stret long maus bilong ol dispela lain long wanem samting i bin kamap o wanem samting ol i bin bungim taim ol i mekim dispela projek.

Em tok ol lain bilong Solomon Ailan i bin kisim planti askim i kam long ol fores risos ounas bilong ol long helpim ol long kamapim Iko Forestri Projek long hap bilong ol yet.

Ol dispela lain i bin go tu long Lae long lukim wankain samting i kamap.

Katolik Sios long YC Hol long Yomba Peris na Holi Spirit Peris na ol arapela lain ol atoriti i tok-orait long ol long taitim ol sel haus long sotpela taim tasol. Ol dispela sel, kaikai na kolos samting em Disasta Opis na Red Cross long Madang yet i bin givim long ol.

Mista Dunstan igo moa na i tok Gavana bilong Madang James Yali i tok em bai stopim dispela wok bilong rausim ol setelmen bikos planti lain ol i kisim bikpela bagarap tru na putim komplem bilong ol wantaim Ombudsmen Komisin long bai ol i wok painimaut long wanem ol atoriti na plis i no rispektim raits bilong ol pipel.

300 plisman long Enga long taim bilong krismas na niu yia

PROVINSEL Plis Komanda bilong Enga Sif Inspekta Thomas Korahan i diploim 300 plisman long krismas na niu yia.

Ol i kolim dispela operesin bilong krismas na niu yia Moning Sta.

Ol plis i tait nogut tru long dispela operesin na ol i putim ol rot blok tu.

Em tok igat ol plis husat i wok long nait na igat ol narapela husat i wok long san.

Long krismas de, ol i statim operesin bilong ol long 12 kilok long apinun.

Long niu yia, ol i statim operesin bilong ol long 8 kilok nait long namba 31 de bilong mun Desemba igo long 1 kilok moning, namba wan de bilong

2004.

Em tok plis i bin tokim ol pipel bilong Enga long noken spak na raun long dispela taim long rot o strit nambaut bilong wanem plis bai strong nogut tru long dispela taim long stopim trabel long kamap.

Mista Korahan i tok ol i bin tokim ol pipel long selebretim gut krismas na niu yia long eria bilong ol yet.

Em bin tokim ol pipel pinis long noken mekim ol traibel pait o kirapim ol pait long dispela taim bilong amamas.

Mista Korahan i tok em i laikim ol pipel long Enga long selebretim krismas na niu yia long pasin bilong bel isi na long gutpela we.

SEDS givim ol manmeri sans long gutpela laip

PAPUA Niugini Smol Entaprais Developmen Skim (PNG SEDS) Kodineta Joe Kaima, i tok ol i save helpim ol lain husat (save kisim liklik pe, na ol wanwan manmeri na ogenaisesen husat save kamapim wok bilong ol lain bai ol i gat mani long sapotim laip bilong ol na i ken i gat gutpela laip.

PNG SEDS em wanpela han bilong Faundesin bilong Rurel Developmen (FORD) long Maunt Hagen insait long Western Hailans provins husat save lukluk long sapotim ol liklik bisnis.

PNG SEDS i sapotim pinis 250 bisnis insait long Western Hailans provins. Sampela bilong dispela bisnis i pundaun pinis tasol planti bilong ol i stap yet na wok long ron gut.

PNG SEDS save givim trening long bisnis menesmen tru long korespondens kos bilong em.

FORD i lukluk strong long dispela han bilong ogenaisesen bilong em na bai mov i go long ol narapela hailans provins na ol provins long Mamose rijen.

Nem bilong dispela skim wok long kamap bikpela moa long Western Hailans

provins yet, Sandaun provins, Enga provins, Sauten Hailans provins, Simbu provins na Isten Hailans provins.

Ol provinsel edministreta bilong ol dispela provins i givim sapot bilong ol pinis long dispela skim na laikim FORD long kamapim ol opis bilong em long ol dispela provins.

Long soim olsem ol i sanap strong wantaim dispela ogenaisesen, ol i kamapim pinis ol opis spes. Isten Hailans Provinsel Gavman i go

Kapal Haus insait long Maunt Hagen.

Provinsel Edministreta bilong Mendi i givim FORD wanpela spes long olpela provinsel asempli semba na i luk olsem Enga tu bai painim wanpela opis spes i no long taim.

FORD i makim pinis ol wokmanmeri bilong em long mov i go long ol dispela provinsel opis. Ol lain long hedkwota i givim pinis ol trening long hau long wok long ol dispela provins.

PNG SEDS i sapotim pinis 250 bisnis insait long Western Hailans provins.

moa long givim K20,000 we FORD bai yusim long baim ol masin bilong mekim wok long dispela nupela opis long Goroka.

FORD i opim ol opis bilong em pinis long Sandaun, Isten Hailans na Western Hailans. Nau em wok long lukluk long opim ol opis long Simbu, Sauten Hailans na Enga.

Kondum Agaundo Haus long Kundiawa insait long Simbu i givim pinis spes long FORD na ol wokmanmeri bai stretim dispela hap bihain long ol i stretim dispela opis spes long

Ol bigman bilong FORD i save olsem taim ol i opim ol opis bilong ol long ol dispela provins, planti moa liklik bisnis bai kamap.

Alphonse Pu, Eksekutif Dairekta bilong FORD i tok, PNGSEDS bai helpim kantri bai ol pipel ino inap stap wantaim nogat kaikai na kago moa.

Emi tok strong long ol manmeri na ol ogenaisesen we FORD i bin sapotim long yusim save na skils, ekspirians na eksposa, long developim ol liklik bisnis insait long ol rurel komyuniti.

FORD i helpim ol liklik bisnis

Peter Korugi i raitim

FAUNDESEN bilong Rurel Developmen (FORD) Inkopresen em wanpela ogenaisesen husat save helpim ol lain long rurel eria long mekim wok bisnis.

Alphonse Pu em wanpela foma tisa husat i statim dispela ogenaisesen long Maunt Hagen insait long Western Hailans provins long skulum ol yangpela pikinini na tu ol bikpela manmeri husat ino save long rid na rait. FORD save givim tu ol sotpela kos long ol lain husat istap long ol developmen wok.

Bihain FORD i kirapim Maikro Entaprais Developmen Skim, Iko-Fores na Lou Kos Hausing, Rurel Elektrifikesen na wanpela infomel yunit-Melpa Media Prodaksens.

Nau olsem planti manmeri ino

wok na nogat we long ol long mekim mani na planti manmeri i nogat kago na kaikai, ol sios na ol NGO (Non Gavman Ogenaisesen) olsem FORD husat save promotim o toktok strong long developmen wok long painim ol we long stretim dispela problem.

FORD i kamapim Maikro Entaprais Developmen long developim ol liklik bisnis insait long infomel sekta we em i givim bikpela lukluk long ol rurel eria na ol eben setelmen.

FORD i mekim dispela tru long bisnis trening na edvais, we ol i toktok strong long sevim mani. Dispela tu i mekim rot bilong ol pipel na ogenaisesen husat inap long bekim mani i ken kisim kredit.

FORD i operet foapela yia igo pinis na i lainim planti samting long hau long operetim maikro

kredit fainens skim we em i lukluk bikpela long lain long rurel eria.

Long nau FORD i kisim ekspirians na em i mekim sampela moa senis long skim long kamap bikpela moa long givim servis igo long ol pipel na ol ogenaisesen.

FORD igat gaidlain we em save bihainim long taim bilong givim mani. Las yia, FORD bin putim stop long ol manmeri long ples long kisim sapot long dispela skim na long ol manmeri i save wok mani tasol

FORD save sapotim ol laifstok na fiseris bisnis, vejtebel faming, kes krop prodaksen, fud proseding, fenicha meking, beking, somap na ol endikraf, tredstoa, salim ol samting long strit na maket, servis stesin, kaiba, ol tek awe shop, woksop, printing na sain raiting, na iko-turism.



• Ol memba bilong Saymup Sevis Taun Klin Ap Grup i planim plawa long mekim Goroka Taun bai luk nais gen olsem bipo. Foto: Sape Metta.

Gutpela Krismas long Simbu na Goroka

EKTING Provinsel Plis Komanda bilong Simbu Sinia Inspekta Tende i tok krismas long Simbu i bin naispela na pisful wan stret.

Em tok nogat planti trabel i kamap na plis i holim ol lain tasol long ol liklik samting olsem asalt na dringim stim.

Sinia Inspekta Tende

i tok long taim bilong krismas, plis i holim 20 pela lain long asalt na dringim stim we planti lain long Simbu save mekim na dring.

Provinsel Plis Komanda bilong Isten Hailans Provins Phillip Solala i tok long krismas taim i kam inap long taim em i toktok

long Wantok, plis ino kisim wanpela ripot bilong trabel i kamap.

Em tok planti taim long hap, ol save kisim ripot bilong am roberi tasol long dispela taim ol ino kisim wanpela ripot stret.

Mista Solala i tok Isten Hailans i bin gat wanpela pisful krismas stret.

Goroka Taun bai kamap nais

Sape Metta i raitim

PLANTI ol eria insait long Goroka, biktaun bilong Isten Hailans provins bai senis bilong wanem wanpela grup bilong ol man wok long klinim ol gras na planim plawa long mekim ples i luk nais. Dispela grup i kolim ol yet Saymup Projek Sevis Taun Klin Ap Grup.

Ol man long dispela grup i mekim dispela wok bilong wanem ol i gat bikpela laik na tingting long senisim na kamapim gut Goroka Taun.

Grup Lida Frank Tayande i tokim Wantok olsem sapos ol i sindaun na lukluk tasol i stap, nogat narapela man bai mekim dispela wok long kamapim gut gen taun.

"Taun ino moa luk nais olsem bipo olsem na mipela i kamapim dispela grup long kirapim bek gen Goroka Taun long luk nais gen." Mista Tayande i tok.



RAD - TEL (PNG) LIMITED
COMMUNICATIONS SALES & SERVICE

RAD-TEL (PNG) LIMITED
GOROA STREET, GORDONS
PO Box 43, Waigani, NCD,
Papua New Guinea
Phone: 325 2555; Fax: 325 0872
Email: radtel@radtel.com.pg
Website: WWW.radtel.com.pg

LAE Phone: 472 6203
Fax: 472 7577

THE BETTER QUALITY GSM DIGITAL MOBILE PHONES

1. It's the Samburg True Colour Screen Display. Model, SGH-T400 Dual. 65000-Colour TFT LCD. 40 Polyphonic Ringtones & Wallpaper. Mobile Internet (WAP - 1.2) Voice dialing, Voice Command, Voice Memo, Two Original Batteries, Color Games.

Accessories

- Hand set
- Travel Adaptor
- Portable handsfree.

1. It's the LG - G5300 True Colour Screen Display. Model, G5300 GPRS Phones 65000-Colour LCD (128* 128 Pixel) EMS/Ringtone & Picture Down-Load Support 16-Poly-Midi Sound Colour wall paper & Screen saver WAP Browser VER. 1.2.1 Up Grade Internet Access

Accessories Hand set, Standard Battery, Neckstrap, Card, User's manual, Travel Adaptor, Portable handsfree & the Data Kit/Cd

Haphap Stori

76 Evanjelikel Luteran Sios (ELCPNG) memba bilong Marimari kongrisesen insait long Nesenel Kepitel Distrik i bin kisim sakramen bilong Konfermasio long Sande Novemba 2.

3-pela ripot olgeta wik i save kam long Sentrel plis komanda, Sief Inspekta, Peter Taiang, long ol raskol pasin we i save kamap long Hiritano Haiwe.

100 em mak bilong hamas pasindia nupela bot bilong Galp provins, MV Tara Spirit, i ken karim.

8 kilok yet long moning ol manmeri i bin lainap ausait long S.P. Syndicate, wanpela hos res hap long Boroko, Pot Mosbi, long putim mani bilong bet long hos long Melbon Kap resis long Australia.

250,000 kina em mak bilong mani bilong diskreseneri mani o mani we ol Memba bilong Palamen i ken yusim long wanpela samting ol i pilim i ken helpim ol pipel.

Wankain mak bilong mani i save kam aninit long distrik sapot grant. Tasol Memba bilong Kairuku-Hiri, Sir Moi Avei, i bin tok olsem dispela i no inap long lukautim gut ol nid bilong ilektoret bilong em.

5, aninit long dispela lo namba long Pablik Sevis Regulesen 2003, Dipatmen bilong Pesenel Menesmen (DPM) i bin tok em i no bin stret long Monty Derari long holim opis olsem ekting provin-sel etministreta bilong Oro provins bihain long provin-sel eksekutiv kaunsil (PEC) i bin makim em i go long dispela posisen.

DPM i bin mekim klia long PEC olsem em i no inap luksave long dispela makim.

2003, yia we i bin kamap

• **DISPELA** yia, olsem ol nara-pela, i bin wanpela bikpela yia bilong Sauten rijen na planti kainkain samting, gutpela na nogut wantaim i bin kamap.

Long dispela las pepa bilong dispela yia *Wantok* i lukluk long sampela bilong ol dispela samting we i bin mekim yumi amamas, les, belhat, sore o kraik.

Wan moa taim

Yumi stat wantaim win bilong Dokta Puka Temu long Abau bai-ileksen long Sentrel provins we i bin kamap las mun.

Kot ov Disputed Ritens i bin givim oda long dispela bai-ileksen long kamap bihain long Kilroy Genia husat i bin ron long 2002 eleksen i bin winim wanpela kot petisen em i bin karim i go long ol egensim win bilong Dokta Temu long dispela taim.

Tasol long dispela bai-ileksen, Dokta Temu, husat i gat sapot bilong nesenel gavman, i soim olsem em i gat bikpela sapot i kam long ol pipel taim em i winim bek sit bilong em wantaim bikpela namba bilong vot we i antap moa long ol narapela kendidet.

Histri

Long dispela bai-ileksen tu, liklik ples bilong Abau i kamap, namba wan hap long yusim dispela nupela sistem bilong vot we ol i kolim Limited Preferensel Voting (LPV).

Katim lewa

Toktok long LPV, ol pipel bilong Papua Niugini i bin yusim dispela sistem long votim Mis Milen Be 2003, Helen Stephen, i kamap Mis Pipel's Choice o laikim bilong ol pipel long resis bilong Mis PNG long dispela yia.

Ilektoret Komisin i bin traim dispela sistem long dispela wanpela taitel tasol, Mis Pipel's Choice, long lukim sapos em bai wok gut o nogat.

Mis Stephen i stilim lewa bilong planti ol pipel na winim dispela taitel.

Em i no bin kamap Mis PNG tasol em i tok em i laik wok yet wantaim Red Cross olsem Mis Milen Be. Resis i pinis tasol planti pipel i nidim helpim yet.


Mipela laikim developmen

Gavana bilong Westen provins, Dokta Bob Danaya, i bin singaut long nesenel gavman long givim sapot long Fly Riva provin-sel gavman na ol pipel bilong en long sait bilong sastenabel developmen o developmen we bai stap long taim.

Dokta Danaya i bin tok olsem ol lida na etministreta bilong bipo i no bin lukautim ol pipel na long sait bilong developmen long sosaieti, ikonomi na politiks, Westen provins i stap bihain tru long ol narapela hap bilong kantri.



• Mis Milen Be 2003, Helen Stephen, stilim lewa bilong planti ol pipel bilong PNG.



• Onomo Mele bilong Sauten Hailans provins i lindaun klostu long pikinini man bilong em Kapul Ame husat i sanap insait long wanpela basket papa bilong em i mekim. Mista Mele i bin wok long salim ol basket bilong em long wanpela bilong ol dispela kraf maket we planti pipel i save laikim na go long en long Ela Bis Intenesenel Skul long Pot Mosbi. Foto: WILLIAM NATERA

Harim kraik bilong Ihu

Len na Risos Onas Grup long Ihu distrik long Galp provins i bin singaut long Galp Ikonmik Developmen Atoriti (GEDA) na patna bilong en Rimbinun Hijau (RH) long rausim ol mesin bilong en long ol hap bilong Ania na Hapea long distrik.

Ol i bin tok olsem sapos dispela i no kamap ol bai bagarapim ol dispela mesin.

Wantok i no harim sapos ol i bin karimaut dispela tingting bilong ol.

Ol papagraun i bin kros bikos ol i harim sampela ripot olsem GEDA na RH i wok long yusim dainamait long kliaim ol hap long kamapim ol projek bilong ol.

Wantok i bin ringim het opis bilong RH long Pot Mosbi long taim mipela i bin raitim stori long harim sait bilong ol. Meri husat i bin bekim telefon i bin tok em i lusim tok save wantaim bos bilong kampani (Niugini Lumber) na em bai ringim mipela bek. Dispela i bin kamap olsem 2-pela o 3-pela wik i

go pinis. *Wantok* i wetim yet dispela telefon kol.

Haiwe

Pasin bilong stil o bagarapim man long Hiritano Haiwe i bin kamap bikpela.

Sentrel provins plis komanda, Sief Inspekta, Peter Taiang, i bin tok olsem i nogat wanpela gutpela as wai ol yut i laik stil na bagarapim ol pipel bilong ol yet husat i wok long traim long go long ol maket long salim kaikai ol i planim long lukautim sindaun bilong ol.

• Yia i bin wanpela yia we yumi laik tingim na lus tingting long en tu. Tingim ol gutpela samting, na lus tingting long ol nogut. Tasol ating em i moabeta long yumi mas tingim ol nogut samting we i kamap tu na traim long lainim long ol. 2004 bai i wanpela bikpela yia gen wantaim planti ol senis na sapos yumi ken lainim long ol rong bilong bipo bai yumi ken was gut long noken mekim ol dispela rong gen.

Hino King of the Road!

HINO GT3HFKA 4x4

4m³ Dump body. Ex-Stock Lae. Hurry 1 only!

FOR FURTHER INFORMATION :-

POM : ERROL MCKINNON : PH 3229467

E-mail : emckinnon@elamotors.com.pg

LAE : TOKANA HASAVI : PH 4781800

E-mail : laeadmin@elamotors.com.pg

OFFER EXPIRES : 17th JANUARY 2004.

Ela Motors
TRUCKS

www.elamotors.com.pg



AVAILABLE FOR IMMEDIATE DELIVERY!



Madang eviksen, i orait o nogat?

Wantok Niuspepa i bin raun long Madang Taun na kisim tingting bilong ol pipel long eviksen we Madang Provinsel Gavman i laik rausim ol lain husat i sindaun long graun bilong Gavman.



Sam George
Nogat wok

Krangket Ailan-Madang Provins

Mi amamas long dispela eviksen i mas go het bikos ol setlas istap na ol i kamapim planti raskol pasin insait long Madang Taun.

Sapos ol i go, Madang Gavman bai gat spes long bringim diyelopmen i kam insait long provins na kamapim wok na mipela bai wok na lukautim mipela yet.

Matha Leo
Self Employed
Siassi Ailan-Morobe Provins

Mi wanpela meri husat save salim pis long

Madang Maket. Sapos ol setlas igo, bai mi nogat planti kastoma. Olsem na Madang Gavman yu mas skelim gut pastaim bipo yu rausim ol setlas.



Jacintha Tentau
Supavaisa-M & S
Tsang Modilon
Supermarket
Karkar Ailan-Madang Provins

Mi ino amamas long dispela eviksen

Madang Provinsel Gavman i laik kari-maut. Sapos ol setlas igo, sels bilong mipela bai igo daun.

Na tu mipela ol Madang i save laikim pipel bilong narapela provins we ol save kolim mipela ol kol pis lain.

Madang Gavman yu mas skelim gut na setelim ol long narapela hap.

Ol tu igat rait na fridom long stap long dispela provins.



Sam Tigau
Eakraf Rifila-Shell
Nunguya-Is Sepik Provins

Mi amamas long Madang Gavman

long dispela eviksen bikos lo na oda problem em bikpela tru insait long Madang Taun we ol setlas i save kamapim.

Ol i mas go bai Gavman i ken yusim graun ol i stap long em long bringim moa diyelopmen i kam insait long provins na baset bilong Madang province bai inap stret.

Ol Poto na stori: Michael Novingu long Madang

Nulas Philip
Self employid
Kainantu-Isten
Hailans Provins

Sapos Gavman i rausim ol setlas igo, mipela ol lain bilong salim kumu bai ino inap mekim mani.

Ol setlas istap na save kam na baim ol kumu bilong mipela ol lain husat i kam daun long Kainantu long salim kumu bilong mipela.

Plis noken eviktim ol, larim ol istap bai mipela i gat moa kastomas.


Waren Kakat
Sels Menesa-Esco
Is Niu Briten
Provins

Mi ino amamas tumas long eviksen, bikos taim ol setlas igo, mipela bai inogat inap kastoma na sels bilong mipela bai go daun.

Mi askim Madang Gavman inap yu rivesim disisen bilong yu?

Bikos yumi wan pipel, wan kantri na brata susa.

Sapos yumi holim han na wok bung wantaim, bai kantri i gro.



Bulom Pein
Salim kaving-Self employid
Riwo-Madang Provins

Mi ino amamas long Madang Gavman long rausim ol setlas igo bek long ples bilong ol.

Madang Gavman mas tingting na skelim pastaim bipo em i go het long muvim ol pipel.

Gavman i mas givim narapela hap long ol long sindaun, i noken rausim ol olsem ol enimel, ol manmeri tu ya, ol i gat rait na fridom long stap long Madang.

Maria Ningi
Hauswaif
Yangoru-Is Sepik Provins

Mi amamas long eviksen i mas kamap bikos igat planti raskol pasin i kamap we ol lain i stap long setelmen i save kamapim. Mi laikim Madang Gavman rausim mipela bai mipela go bek long ples bilong mipela.

Helt sekta i wok long bungim kain kain ol hevi yet

i kam long pes 11

• Wol Helt Oganaisesen (WHO) i askim ol kantri wantaim bikpela mak bilong ol pipel i gat sik TB long skruim DOTS (Dairekt Obesevens Tritmen) program na ol setpela kos long inapim gol long 100 pesen tritmen bilong sik inap long yia 2005. PNG i stap namba tri long wol olsem wanpela long ol eria i gat sik TB.

• Program bilong Nesenel Dipatmen ov Helt long givim ol net o taunam long stopim ol natnat long kaikai ol pipel taim ol slip i wok long ron gut long Alotau long Milen Be provins. Dipatmen i wok long karimaut dispela program long olgeta hap bilong kantri long traim long daunim sik malaria.

Long pinis bilong dispela yia, 80 pesen bilong ol 27,000 pipel husat i stap long Alotau distrik bai i gat ol moskito net o taunam.

• Sik HIV/AIDS i kamap pinis long ol bus ples insait long kantri. Bikos dispela sik em i bikpela birua, aweanes i mas kamap long ol komyuniti long rot bilong daunim na abrusim dispela sik. Dispela em toktok bilong Sir Peter Barter long Pasifik AIDS woksop we i bin kamap long Madang.

Em i tok sampela long ol manmeri i gat sik HIV/AIDS na i save stap long taun i go long ples na ol i givim sik long ol ples lain. Em i tok bikos nogat we long ol i save olsem ol i gat sik, ol i kamap olsem rot we sik i kalap i go long ol ples lain.

Long PNG, 7,0367 pipel i gat sik HIV/AIDS.

• Siamis twins bon long Mt Hagen haus sik i dai long Pot Mosbi Jenerel haus sik bihain long ol dokta long Mt Hagen i salim ol i go daun long mekim tes na traim long katim tupela bai narapela i ken lusim narapela.

Tupela i bin pas long bel na ol i serim ol rop bilong kisim kaikai, liva, rop bilong rausim ol pipia bilong blut, gol blede, splin, pankrias, kidni, ureters, na blede. Dispela i mekim hat long ol dokta i katim tupela na tupela i dai.

• Long wanpela woksop we Nesenel Helt Dipatmen i kamapim bilong ol nius manmeri ol i tokaut olsem ol pren kantri o dona i save givim moa mani na sapot long helpim long lukautim helt sevis long kantri. Na mani mak ol i save givim em i winim tru mani gavman i save givim olgeta yia long baset bilong em.

Novemba

• Plis i no inap long sasim ol manmeri husat i gat dispela sik nogut HIV/AIDS na husat i karim blut insait long sut raun long injektim o sutim ol narapela manmeri long traim long kilim ol.

Dairekta bilong Plis Prosekyusen Thomas Eluh i tok aninit long Kriminol Kod o lo we i kamapim olgeta kain hevi, i nogat wanpela tok klia long dispela kain samting.

• Long stapim olgeta ol pikinini long kisim sik misels na polio, Nesenel Dipatmen ov Helt (NDoH) bai karim aut banis sut program long olgeta hap long kantri. Plen bilong NDoH em long givim banis sut i go long 95 pesen bilong populesen bilong PNG. Ol

bilip olsem sapos dispela mak bilong populesen i kisim banis sut, misels bai pinis olgeta long kantri.

• Manus provins i kamap namba wan provins long kantri long statim Saplimetri Imunaisesen Eksen program long givim banis sut long sik misels, polio na Vaitamin A long ol bebi abrusim siks mun i go inap 10 krismas. Mak olsem 6,761 ol bebi mama i karim ol nau tasol i go 59 mun bai Kisim Orol Polio banis sut na Vaitamin A, 13,071 bebi i gat siks mun i go ol dispela pikinini aninit long wanpela ten wan krismas bai kisim misels banis sut na 5,506 ol pikinini i mekim gret 4 i go inap gret 8 long ol skul bai kisim misels banis sut.

• Pot Mosbi Jenerel Haus sik (PMGH) i sot tru long mani na ol drag o ol sut marasin long ol sikman na meri na ol pikinini.

Dokta Alphonse Tay, sief eksektyutiv bilong Pot Mosbi Jenerel haus sik (PMGH) i laikim sas long kisim marasin na slip long haus sik i mas i go antap.

Em i tok fi i mas go antap sapos baset bilong gavman i go long helt sekta bai ol i katim. Em i tok long dispela we, ol haus sik i ken lukautim ol yet wantaim ol liklik mani ol i kisim long ol sik lain.

• Helpim mani i kam long ol dona o arapela kantri inap long K72.6 milien bai i go long lukautim Nesenel Helt Plen long 2004 aninit long Helt Sevises Sapot Program.

Helt dipatmen tu bai kisim K26.8 milien bilong wok bilong em aninit long HIV/AIDS

sapot projek.

Konstraksen bilong wanpela spesel pepes klinik bai i stat tu long neks yia bilong lukluk long ol manmeri husat i gat ol sik nogut o Seksueli Transmetit Infeksen (STI).

Desemba

• Desemba 1 em Wol AIDS Day. Olgeta pipel long wol i luksave na tingim ol wantok na pren i gat sik HIV/AIDS long makim Wol AIDS De. Na long sanap long as tingting bilong dispela yia em long Inglis: 'Stigma and Discrimination', Wol Helt Oganaisesen (WHO) na UNAIDS i tokaut olsem 3 million manmeri na pikinini long wol bai kisim tritmen long dispela sik aninit long ol plen bilong ol.

Dispela plen em long ol man na meri wantaim sik HIV/AIDS bai inap long kisim drag ol i kolim antri-retral viral long stopim dispela sik long go bikpela. Dispela drag bai i kam long Papua Niugini long June neks yia na ol siklain wantaim pepa em dokta i givim (priskripsen) tasol bai kisim.

• Minista bilong Sosel Welfea na Developmen Ledi Carol Kidu i go pas long kamapim wanpela politikel grup long lukluk long sik HIV/AIDS we i wok long go bikpela long kantri. Em i tok ol lida bilong kantri i mas luksave long we o rot kantri Uganda long Afrika i bin wok long daunim dispela sik na lainim long ol ekspriens bilong ol.

Ledi Carol i tok i mas i gat politikel wil o strong long bikpela levul tu long helpim wok bilong daunim sik HIV/AIDS.

Ai op long kain kain stail na pasin bilong Frans

Long dispela wik, Wantok i lukluk long wanpela bikpela kantri long wol ol i kolim Frans. Frans em wanpela supa pawa wankain olsem Amerika.

FRANS em i namba wan bikpela kantri long Westen Yurop wantaim bikpela hap graun na solwara tu.

Kantri i gat planti stretpela graun o plain tasol em i gat planti ol maunten renjes tu olse Alps. Namba wan bikpela maunten long Westen Yurop, Mont Blanc, we i gat longpela olsem 4,807 mita na i stap long dispela maunten renj.

Frans i gat 3-pela kain klaimet. Long west ol i kolim osienik, long saut ol i kolim mediterenien na long sentrel na isten Frans ol i save kolim kontinental.

Kantri i gat planti ol fam na fores. Ol dispela fores i gat

kainkain diwai inap long 136 namba bilong ol bikpela animol we i stap long hap i wok long i go antap.


Long lukautim ol dispela fores, gavman bilong Frans i kamapim ol nesenel pak na makim ol animol we ol pipel i no inap kilim. Sapos ol i kilim em ol i brukim lo na i ken kisim sas.

Populesen long Frans long yia 2000 i bin 60.4 milien. Planti pipel i save stap long ol eben hap. 5-pela bikpela eben hap long kantri em Paris, we i gat 10,6 milien pipel, Lyon, we i gat 1,6 milien pipel, Marseille-Aix-en-Provence, we i gat 1,4 milien pipel, Lille, we i

gat 1,1 milien pipel, na Toulouse we i gat 0,9 milien pipel.

Etnimistresen bilong kantri em i olsem. Frans i gat metropolitan Frans we ol i save brukim i go long 22 rijen na brukim ol dispela rijen gen i go long 96 dipatmen. Ol i gat 4-pela ovasis dipatmen tu, Guadeloupe, Martinique, Guyane (Frans Guiana) na Re'union. Frans i gat 4-pela ovasis teritori tu. Frans Polynesia, Nu Kaledonia, Wallis na Futuna na Frans Sauten na Antarctic Teritoris.

Frans i gat wanpela Konstitusenel Kaunsil we i gat 9-pela memba husat i gat wok long



• Mep bilong Frans.



• Frans Soka tim bilong 1998 Wol Kap. Ol i bin winim Brazil 3-0 long fainel. Wol kap pilai i bin kamap tu long Frans dispela taim.

bosim ol eleksen na lukim ol i ron gut na mekim ol ruling long ol ogenik lo na lejislesen we i kam long ol.

Het bilong Stet em Presiden husat i save stap 7-pela yia long opis. Presiden i save makim praim minista na i save kisim tingting bilong em long husat em bai

makim long kamap long memba bilong gavman. Presiden i save bosim ol Kaunsil ov Ministas, lukluk long ol Ekt bilong Palamen na i Komanda in Sief bilong ami bilong kantri.


Aninit long daireksen bilong praim minista, gavman i save kamapim ol nesenel polisi na kari-maut. Praim minista i save dairektim operesen bilong gavman. Palamen i gat 2-pela asembli. Senet na Nesenel Asembli.

Frans i save kolim nesenel entem bilong en Marseillaise. Dispela singsing i bin kamap long Strasbourg long 1792 na long dispela taim ol i save kolim Battle Hymn ov da Ami Rhine, o singsing bilong pait bilong ami bilong Rhine. Em i bin kamap nesenel entem long Julai 14, 1795. Moto bilong Frans em "Liberti, Ikwaliti, Fraterniti" o fridom, soim wankain

pasin long olgeta pipel na bung wantaim. Ol kala bilong fleg bilong Frans em wait ret na blu na i bin kamap long 1789.

Ol pipel long Frans i save laikim ol samting olsem musik na danis, tieta, sinima na ol kalsarel festival. Long sait bilong spot, i gat inap long 10 milien pipel husat i enrol long ol spotting federesen. Ol bikpela spot stret em soka na tenis. Judo, hos raiding, badminton na golp i wok long kamap bikpela. Long sait bilong ol kalsarel festival, olgeta kainkain festival yu ken tingim em Frans i gat. Stat long ol intanet (komputa) festival i go long ol musik festival.

Dispela i soim olsem Frans i wanpela stail kantri stret wantaim planti ol samting bilong helpim na amamasim ol pipel na long olgeta de kantri i wok long kamap gutpela moa.



• Taim w6P1 bungim nupela mileniam yia 2000, faiwoks grolid. Frans i gat naspela ol ples long lukim na tu ol bikpela na olpela haus we long taim bipo ol king na kwini i save stap. Kain ol ples i save pulim planti ol turis long ol kainkain hap long wol.

WANTOK KOMENTRI

Sik AIDS i go insait long betrum

Haus sik ripot i soim planti mama insait long PNG i wok long gat dispela sik nogut yumi kolim sik AIDS. Dispela namba i wok long go antap na ol mama i no save. Tasol taim ol i kamap long klinik bilong ol mama, ol sista i kisim blut i save luksave.

Sori long turangu ol mama bilong ol pikinini i no save olsem ol i gat sik AIDS na taim ol sista o nes i tokim ol, ol i save bel sut nogut tru. Husat bai lukautim ol pikinini bilong ol na lukautim famili na ol samting. Dispela em kain tingting ol bai kamapim taim ol i harim dispela nius nogut.

Ating nupela yia nau, ol papa i mas senisim tingting bilong ol na stap isi na noken raun na karim dispela sik nogut i go long haus.

Namba bilong ol manmeri i gat sik AIDS i sanap mak long 7587 insait long Papua Niugini nau stat long yia 1987 i kam taim dispela sik i bin kamap nupela taim insait long kantri.

Ripot bilong klinik i soim tu olsem planti mama i wok long kisim dispela sik AIDS taim ol i go long klinik bilong ol mama.

Ripot bilong Nesenel AIDS Kaunsil i soim olsem long dispela yia 2003 namba bilong ol mama i bin kamap long klinik wantaim sik AIDS i bin sanap olsem 477 olgeta. Dispela em ol nupela ripot.

Olsem na luksave bilong Nesenel AIDS Kaunsil i ting moa long 20,000 manmeri insait long Papua Niugini tude i wok long stap wantaim sik AIDS.

Ripot i tok rekot bilong ol mama i bin gat sik AIDS na i bin kamap long ol klinik bilong ol mama long 1998, 1999 na inap 2003 long dispela yia i bin go antap. Krismas bilong planti ol mama wantaim ol dispela sik i stap namel long 15 na 24 krismas.

Dispela i no gutpela stori tru long sait bilong famili we papa i raun na painim dispela sik na karim i go givim long turangu mama bilong ol pikinini long haus.

Wanpela meri i bin stori las wik olsem em i stap gut long ples na taim man bilong em i salim balus tiket i go long em i kam long taun, em i kam na kirap nogut long em i gat sik AIDS. Man biloing em i bin kisim dispela sik pinis na i haitim na i no tokim meri bilong em long tingting long sevim laip bilong meri na pikinini bilong em. Em i go het na kilim tasol famili bilong em.

Nupela yia 2004, moabeta olgeta man i senisim tingting bilong ol na wokabaut wantaim gutpela tingting na mekim samting i stret. Lusim bikhet pasin o pasin bilong traim tasol o kisim win tasol o stretim flings tasol o kain samting olsem. I no gutpela long sik AIDS i go insait long betrum bilong yu.



Sekim gut Wewak haus sik long mani i go we

Dia Edita

Mi laik rait na komplem igo long Nesenel Minista bilong Helt Melchoir Pep na Sekretari bilong Helt Dipatmen

Dokta Nicholas Mann long mekim wanpela wok painimaut long operesen bilong Wewak Haus Sik o Boram Haus sik long Wewak taun

insait long Is Sepik we i gat planti hevi long mani i wok long kamap long olgeta yia i kam.

Long dispela yia haus sik Bod na ol sinia opisa bilong haus sik i bin baim wanpela Toyota len krusar kar kos bilong em i moa long K145,000.

Dispela taim em aut peisen wod na pikinini klinik i pas we nogat mani tasol dispela ol opisa na Haus sik Bod i baim dispela ekspensiv kar na yusim long raun olsem pravit-teksi istap.

Sapos Haus sik Bod i gat gutpela tingting bai ol i baim tupela Toyota Hailaks Kar long wankain prais we ol narapela haus sik divisen bai i gat sans long yusim na sevim mani bilong aut peisen.

Nau yet ol wokman meri long haus sik i save peim 50 toea long tiket olsem PMV na kar bai kisim ol igo long wok na mi ting Wewak Haus sik bai kisim PMV laisens long ol nes na dokta boi.

Em wanem kain stret? Dispela pas mi rait long toktok long ol hevi na wari i wok long kamap long ol wok man na meri em ol nes na dokta boi long Wewak haus sik na inap Minista bilong Helt i makim sampela ol bosman long Helt

opis long Pot Mosbi long kam mekim wanpela wok painim aut long wok long Wewak Haus Sik Bod na ol sinia Opisa hariap tasol na pinisim ol long wok long Jenueri 2004.

Long sampela yia igo pinis ol dispela sem sinia opisa i bin stap long wanpela toktok i kamap long misemenmen bilong haus sik fan.

Mipela ol pablik i laik tok-save long Minista Melchoir Pep long rausim Wewak Haus sik Bod na rausim ol dispela opisa na painim nupela ol man long halivim ol pipel bilong Is Sepik provins na ino long paolim ol mani na baim ol nupela kar long bilasim haus sik na ronim olsem teksi istap.

Mi laik askim ol pipel long Is Sepik provins long bungim mani na haiarim wanpela pravit loya na kisiim Haus sik Bod na sinia menesmen igo long Nesenel Kot bai ol i ken givim ripot igo long kot na lukim husat bai win.

Em wari bilong Sepik pipol. Husat i sapot o laik bekim ol toktok rait i go long *Wantok niuspepa* na bai mi lukim na skelim

John Kriosaki Wewak, ESP

Trausis ino bilong yupela ol man tasol, na em bilong husat?

Dia Edita

Mi wanpela mangi Okapa, Goroka tasol nau mi stap long Popondetta. Na mi laik egen-sim toktok bilong Melissa Daluh long Novemba 20, 2003. Yupela ol meri tok olsem trausis ino bilong ol man tasol. Na em bilong husat? Sapos yupela tok em bilong yupela ol meri orait yu askim yu yet yu man o yu meri. Sapos yupela meri orait yupela mas yusim ol samting bilong yupela. Na mipela ol man mipela mas yusim ol samting bilong mipela yet. Sapos yu laik werim trausis yupela ken werim long haus o

bilong go long gaden em ino gat samting tasol yupela save werim i kam raun long taun o pablik ples em ino gutpela.

Taim yupela werim trausis yu pilim olsem wanem? Mipela ol man lukim yupela em mipela save sem tu ya. So bai yumi senisim ol kolos. Samting bilong yupela bai mipela werim na yupela meri werim ol klos bilong mipela.

Yu husat laik sapotim o egensim mi, rait tasol long *Wantok* na mi redi long ridim.

Sasen Puan Popondetta, Oro provins

Ol Waira marit long Kikori

Dia Edita

Mi wanpela mangi Mt Bosavi long Sauten Hailens provins.

Long lukluk bilong mi, mi lukim ol Waira marit nambaut long Kikori ya ino gutpela tumas.

Dispela long wanem ol save marit na bihain save lusim ol meri. Na trangu meri ya em hat wok na save karim pikinini nogat papa.

Yupela ol man mas tingim Papa God wokim man na meri. Dispela kain pasin em ino gutpela na tu olsem yupela ol lain bilong meri save wokim kastom na tambu man bilong yu bai sik. Na narapela yupela save planim kokonas na

target bai man bilong dispela meri i no ken i go bek long ples bilong em.

Dispela kain kastom bilong yupela long Omati, Kibeni, Gibital nabaut ya maski lusim nau.

Yu save olsem man baim pikinini meri bilong yu pinis na mani yu kalkai pinis. Na bihain bai yupela singaut gen long mani na kaikai em wanem kain pasin bilong yupela olsem.

Dispela em lukluk bilong mipela Waira ino stret long ai bilong mipela. Waira em olsem ol narapela hap bilong provins long PNG.

John Haea Kimbe, WNB

WANTOK

Publishing Weekly, Wednesday, for Word Publishing Company Ltd. P.O. BOX 1982, BOROKO, NCD PAPUA NEW GUINEA
TELIPON: 325 2500
FEKS: 325 2579
EMAIL: word@global.net.pg
PE BILONG WANPELA YIA 52 NIUSPEPA

PLES	AIR
PNG	K140.00
AUSTRALIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager: Jeremy Burgess.

Editor of *Wantok*: Yakam Kelo.

Published by Jeremy Burgess, and Printed by Pacific Star-Shan Fook Yong, P.O. Box 6817 Boroko NCD at Allotment 13 Section 38 Waigani Drive, Port Moresby.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.



Dia Edita

Wantok Niuspepa P.O. Box 1982, Boroko NCD
 Phone: 325 2500
 Fax: 325 2579
 Email: word@global.net.pg

Rausim ol Goilala long Koki bas stop

Dia Edita

Dispela pas i sut stret i go long ol Goilala. Yupela i save sanap long Koki bas stop na salim buai na simuk. Plis inap yupela lusim kain pasin yupela i save mekim long ol manmeri. Long bas stop o insait long ol bas, yupela i save giaman long salim ol samting na pulim ol bilum bilong ol meri na pik poket, pulim kep bilong ol pasindia o holim as bilong ol meri. Plis yupela lusim dispela

kain pasin. Olgeta bas draiva na ol pasindia na mipela olgeta lain hia long Koki mipela les pinis long ol kain pasin yupela i save mekim. Plis mi askim ol plis man long ol dispela kain pasin i save kamap long olgeta bas stop, kisim eksen.

Yu husat laik sapot rait tasol long *Wantok* na bai mi lukim.

Joshua Kuyio Koki, NCD

Not Waghi i nogat sain

Dia Edita

Mi laik bekim pas bilong brata Anton Tap bilong Banz i tok olsem 'Not Waghi i nogat sain'.

Brata yu i mas save olsem long kisim minista em i hat liklik bikos i gat tripela memba bilong Nesenel Pati we minista Melchior Pep i kisim.

Em i hat liklik long Jimi na Not Waghi memba bai kisim minista.

Narapela samting yu tok long sevis. MP Michael Mas i pinisim distrik opis dinau we Dokta Pok ino pinisim long en.

I gat wanpela bris istap long Kaming viles igo long Nondugl stesin ol i kolim Yumi Yet Bris, dis-

pela ino PDM o narapela man i wokim, Not Waghi MP i wokim so em sampela i plen long openim dispela.

Sapos yu ino save, ating yu ken weit na lukim.

Brata, yu bilong Nondugl o Banz o wanem hap tru na yu tok-tok planti.

Plis skulim gut ol lain bilong yu long wok, CBHC na ol i noken blokim baret na larim wara igo long rot.

Asua i stap long yumi yet.

Sapos bris i bagarap yumi i ken komplek long gavman o gavana nabaut long stretim.

Asua i stap long ol bipo memba o nau memba yu yet yu tingim na toktok. Weit faivpela yia pastaim na makim nupela man.

Matt Dedeboh Holeyah Banz, WHP

Banz plis i no mekim gut wok

Dia Edita

Dispela komplek bilong mi em olsem, wanem taim tru bai Banz PSC i wokim wok long distrik?

Mi save lukim ol i raun raun long plis kar na i no sekim ol kar o blokim rot.

Tru tumas mipela i save lukim yupela i save fultaim long hap ples we ol i save salim K3.50 bia haus.

Dispela kain pasin yupela i mekim i save semim nem bilong plis na wok bilong Plis Fos.

Wok bilong yupela em tingting tasol long kisim ol bia botol long braiberi tasol.

Plis inap yupela i strongim wok bilong Plis Fos.

Yupela noken i stap tumas wantaim ol manmeri long ples.

Soim lo na oda long Not Waghi.

Mipela ol lain long ples na komyuniti i les pinis long dispela kain pasin.

Stopim nau!

Dedeboh Banz, WHP



Tok gutbai long Owen Jones...

• Ol Wantok wokmanmeri i tok gutbai long Owen Jones (sanap namel) husat i bin kam long namel bilong Oktoba na halivim ol niuslain long we wok i mas mitim taim (dedlain) na hariap tru.

Edita bilong Wantok Yakam Kelo i amamas tru long wok stia bilong Owen Jones long liklik taim tasol em i bin kam na strongim wok bilong ol nius grup na ol sabs husat i putim pepa i go long dakrum na i go long printing masin. Foto: JOE IVAHARIA

Matt Holeyah Banz, WHP

Het takis bai givim moa hevi long ol pipel

Dia Edita

Mi wanpela manki bilong ples na mi no amamas tru long ridim long Wantok bilong Desemba 4-10, olsem gavman bai kamapim o putim lo bilong kisim Het takis long 2004 budget bilong em.

Mi laik singaut nau igo long lida bilong Oposisen na olgeta arapela memba long noken sapotim gavman long dispela takis.

Plis tingim mipela ol pipel long ples na rausim dispela tingting bilong gavman.

Mipela ol pipel long ples i save pinis long planti ol ara-

pela takis bilong gavman olsem VAT na mipela ino laikim narapela takis gen.

Sapos yu lukim long ol stua long Wewak taun bai yu painim olsem ol i sasim namel long 10% igo long 50% VAT long ol samting na i no 10% stret.

Olsem na mipela pipel bilong Is Sepik i save inap na nau mipela i no laikim tru dispela tingting bilong Somare gavman long kamapim narapela takis ken.

Papua Niugini em i ris kantri, tasol bikos long korapsen tasol na gavman i sot long

mani na laik supim nus igo insait long paus bilong ol liklik manmeri long ples.

Wanpela rot tasol gavman mas lukluk long em, em long rausim olgeta ol korap minista na tu ol lain we i holim pablik opis.

Ol i paulim planti mani tru na gavman i sot yet long mani bilong bringim developmen.

Long dispela rot bai yumi lukim developmen long ol rurel eria na ino long gavman i kisim het takis.

Plis rait i kam long Wantok niuspepa na sapotim mipela Sepik pait long korapsen.

Lucas W. Koligu Wewak, ESP

OL PAS
WANTOK NIUSPEPA
P.O. Box 1982 Boroko, NCD
Ph: 325 2500 Fax: 325 2579
Email: word@global.net.pg

Ol sekyuriti wokman i wokim pasin nogut

Dia Edita

Mi laik raitim dispela pas na komplek igo long ol papa bilong sekyuriti kampani husat i lukautim Papindo Supamaketa na Kemis long Wewak taun.

Ol i mas skulim ol gad bilong ol long noken tasim susu na as bilong ol susa na mama long ol stua. Papindo em mein wan.

I gat bikpela pait i kirap long Sarere mun. Desemba long moning long Wewak taun taim sekyuriti i spak na holim as bilong wanpela mama na ol...

strit mangi i paitim em na ol i pasim Papindo inap plis i kam na paiarim tia ges na menesa bilong Papindo i paiarim pistol na ol mangi i tromoi ston i go long stua.

Seim taim wanpela yangpela meri i kisim bagarap long dispela hevi.

Dispela ol sekyuriti kampani ol i mas stop wok long Papindo stua nau bikos ol i wokim planti samting i mekim...

Wewak plis komanda Leo Kabilo i mas tokim stret dispela sekyuriti kampani long stop wok long Papindo nau yet bikos bikpela hevi bai kamap na ol strit mangi bai hambak na bagarapim ol sekyuriti wokman.

Long las Sarere mi lukim tupela plisman tasol wantaim ges gan i no inap long kontrolim moa long tu hundred strit mangi.

Mi laik tok olsem yia i kam long vanilla bai go strong na tin...

pis fektori bai kamap na hau bai yumi stopim ol dispela bikhet pasin bilong ol sekyuriti.

Putim ol gutpela sekyuriti gad we ol i ken lukautim ol kastoma bilong stua, bikos mipela i kam long spendim moni long dispela stua na sekyuriti i kisim pe bilong em.

Husat i laik bekim, rait tasol ikam long Wantok niuspepa na mi lukim. Em tasol.

Tracy Gaidu Maprik, ESP

Nondugl stesin pairap long Indipendens De

Dia Edita

Mi laik putim long Wantok niuspepa olsem long Septemba 16, 17 na 18 2003, Nondugl eria bilong Westen Hailans Provins i bin pairap stret na kirapim das. Ol manmeri, pikinini, lapun, yangpela klostu long 4-5000 i bung na selebretim Indipendens.

Memba bilong Not Waghi Hon. Michael Mas i bin givim K2000 bihain long em givim narapela K4000 igo long Banz na K4000 igo long Warakar tu Kimil boda.

Planti ol singsing grup na Jim Taylor grup, stringben, mele, na ol kain kain ektiviti i kamap we ol manmeri i amamas na kamapim.

Planti ol lida man i bin tok amamas igo long Memba Michael Mas. Ol lida i tok kain selebresen ino bin kamap olsem insait long 15-20 yias.

Ol Nondugl i bin mis aut long ol gavman sevis na kain pilai olsem i kamap long 2003 Indipendens. Askim tu igo long nau Memba bai em i ken putim moa moni long 2004 we olgeta Not Waghi pipel i ken kamap na selebret long Nondugl stesin.

Laip i stap long Nondugl, yaka piso.

Matt Holeyah Banz, WHP

Planti tisa mas kisim kos

Dia Edita

Mi luksave olsem ol sumatin long elementri husat i save i go long gret 3, 4, na 5 long praimer i save painim hat long toktok long tok Inglis na planti taim ol i save tok ples long klas, skul na eria bilong skul.

Olsem na mi ting ol tisa long praimer i save

hat wok tru long tisim ol dispela pikinini olsem na mi askim ol edukesen bos long kamapim planti 'bridging course' bai ol tisa i ken go kos na kambek long ol skul na tisim gret 3 inap 5 long praimer skul.

Matt Dedeboh Banz, WHP

Bel hevi long Open memba

Dia Edita

Mi wanpela mangi Gikanda. Mi laik autim bel hevi bilong mi igo long Open Memba bilong Nuku Distrik Andrew Kumbakor olsem em i no lukluk igo olsem long Nuku/Kafe na Arkosame rot. Mekim na we bilong bisnis bai i go olsem wanem?

Wanem rot bai yumi salim vanilla na kakao? Bai yumi kisim mani olsem wanem na developim ples?

Mipela long...


kamap orait, na bai yumi salim bisnis igo na kisim liklik makmak. Toktok bilong papamama tasol yu kamap olsem Memba bilong Nuku.

Olsem na pes samting yu mas tingim ol papamama na ol yangpela manmeri long ples pastaim.


So em tasol yu husait brata or susa i laik sapotim o egensim, em orait tasol.

Francis Akma Nuku, Sandaun provins

Amamas na raun long Krismas de



• Ol Defence Fos soldia bilong Murray Bareks i amamasim Krismas de bilong ol long mess bilong ol arapela soldia (other ranks mess) long krismas de stret. Hia em Sief ov Staff Navy Col. Tom Urr i katim kek long amamasim dispela bikpela de. *Poto: JOE IVAHARIA*



• Ol turis i raun long wampela bikpela turis sip (Melanesian Discoverer) long krismas de stret na go raun long Bogenvil. Ol i amamasim de bilong ol long sip na raun wantaim na lukim ol ailan. *Poto: JEREMY BURGESS*




• Ol meri bilong Bogenvil i singsing na welkamim ol turis taim ol i kam long bikpela turis sip bilong Melanesian Discoverer. *Poto: JEREMY BURGESS*



• Krismas bilong ol dispela pikinini bilong Rainbow i no bagarap. Ol i kam gut tru taim ol i pinisim laik long Ela bis. Ol i no malolo liklik long waswas. *Poto: YAKAM KELO*



• Sekim ol! Ol lain nogut long Rainbow i bagarapim sindaun long betde bilong mama bilong ol na amamasim krismas tu. *Pati em on yet. Poto: JIMMY BAINES*



• Bikpela de bilong mama na ol bubu i kam na amamasim em. Dispela saprais betde pati i mekim na mama i krai nogut tru. Heki betde mams! *Poto: JIMMY BAINES*



• Sir Rabbie Namaliu

HELPIM BILONG AUSTRALIA I KAM LONG PAPUA NIUGINI BAI DAUNIM HEVI BILONG LO NA ODA NA STRONGIM WOK GAVANENS



Toktok long 'The Australian' niuspepa long Desemba 12 we i tok olsem helpim i kam long Australia gavman we mipela i tok orait long en bai "stopim Papua Niugini long bagarap olgeta long korapsen" i no stret na i no makim as tru long dispela helpim i kam long Australia.

Papua Niugini i no redi long "pundaun i go insait long bikpela bagarap", maski mipela i kisim helpim o nogat. Korapsen em i wanpela hevi we i stap longpela taim pinis - tasol nau Somare gavman i wok long wok hat long daunim dispela hevi.

Progam we gavman bilong Papua Niugini na Australia i tok orait long en i makim wanpela hap tasol - wok bungwantaim namel long tupela kantri na ol pipel na gavman i stap orait yet.

Mipela i save wok hat long paitim toktok - dispela em i pasin bilong tupela wan solwara husat i stap poroman long taim tru - i mas bihainim.

Join Komyunike i givim tupela bikpela samting long wok poroman namel long tupela kantri.

Namba wan samting em Australia bai givim mipela ol manmeri, trening na arapela helpim long strongim wok bilong mipela long stretim ol hevi bilong lo na oda na long lukautim gut ol komyuniti, pipel, ol turis na ol bisnis bilong mipela.

Ekspiriens bilong ol plis manmeri i kam long federel na steit plis fos bai helpim plis fos bilong mipela long daunim hevi bilong lo na oda, strong wok painimaut na sasim ol man, na bikpela samting tru em long givim trening long ol plis manmeri bilong PNG.

Wanpela hap bilong dispela helpim i karamapim trening bilong 400 nupela rikrut bilong plis fos - dispela bai helpim plis fos bilong mipela long taim bihain.

Dispela hap tok orait long wok bung wantaim em i no wankain olsem operesin bilong Australia plis fos long Solomon Ailan we PNG i bin helpim long stretim.

I no 'intavensen' - em i wanpela agrimen tasol namel long tupela plis ministra, ol komisina na sinia opisa we as tingting bilong dispela agrimen i kamaut long ol samting we plis fos bilong mipela i mas gat na i ron aninit long ol polisi bilong Somare gavman.

Daunim raskol pasin na strong wok lo na oda i no bikpela samting long strongim fridom na ol komyuniti bilong mipela - ol i bikpela samting long gutpela ekonomik sindaun bilong mipela.

Mipela i bihain wanpela bikpela ekonomik rikavri progrem we mipela i mas putim moa samting i go insait long ol risos, agrikalsa na indastri long kamapim gutpela sindaun. Mipela i no inap long kisim ol dispela samting sapos mipela i no daunim raskol pasin na kamapim ol gutpela komyuniti.

Dispela progrem i kisim bikpela sapot bilong Plis Minista na Komisinia bilong mipela, husat bai wok klostu wantaim ol wanwok bilong ol long Australia long kamapim dispela progrem long karimaut long 2004 na bihain.

Tasol plis tasol i no inap long daunim ol hevi bilong lo na oda. Mipela i mas stretim gut lo sevis na ol kot sistem bilong mipela - olsem na progrem i karamapim sapot i kam long ol ligel opisa na apoinmen bilong 4-pela man Australia long sindaun long Judisiari bilong mipela.

Dispela 'Gud Gavanens' progrem i no bilong daunim korapsen tasol, em i bilong helpim mipela long strongim fainans menesmen na akauntabiliti - ol samting we Somare gavman i wok long pait hat long stretim taim em i kam insait long gavman inap long nau.

Dispela bai kamap sapos ol ekpieriens pablik seven bilong Australia i wok klostu wantaim ol opisa bilong mipela long ol erias olsem fainans menesmen, oditing na ekspenditsa kontrol. Ol arapela ekpieriens opisa bai helpim mipela

long ol samting olsem visa na maigresin sevises, kastoms, ea na maritaim sefti na boda saveilens.

Dispela progrem bai lukim bikpela hap trening i go plis bilong mipela, na wankain tu pablik sevis i mas kisim trening tu.

Australia i helpim mipela long daunim namba bilong pablik sevis tasol mipela bai i mas mekim moa samting bikos mipela i no inap long ronim pablik sevis long sais em i stap nau. Mipela bai givim K40 long daunim sais bilong pablik sevis long wanpela retrensmen ekksesais, tasol mipela bai i mas kisim helpim bilong ol ovasis dona ejensi long opim dispela progrem long luksave long dispela hevi.

As tingting bilong pablik sevis progrem mipela i tok orait long en long Adelaide em bilong strongim pablik sekta bilong mipela na wok fainans menesmen. Kaikai bilong dispela em long daunim ol mani i paul na lus nating.

Dispela em ol polisi prairiti bilong mipela, na mipela i amamas olsem gavman bilong Australia i wok long givim ol manmeri bilong ol na mani bilong helpim mipela long luksave long ol polisi bilong mipela.

Mak bilong helpim mipela i kisim antap long ol helpim mani mipela i save kisim long Australia long wan wan yia i winim \$A 800 milien. Dispela, olsem mi tok pinis, i makim wanpela bikpela samting i go long wok poroman bilong mipela.

Dispela progrem i no progrem we ol i 'tokim Papua Niugini long kisim'. Em i no 'reskiu misen', na i no 'intavensen'.

Australia na Papua Niugini i bin gat wanpela eid agrimen taim mipela i kisim independens - na i gat ol sampela helpim, olsem helpim long kamapim pis o gutpela sindaun long Bogenvil - we i stap ausait long ol dispela eid agrimen.

Em i gutpela tingting sapos Australia i laik lukim stabiliti na ekonomik progres insait long Papua Niugini bikos mipela i stap klostu klostu.

Kaikai bilong wok mipela i mekim em i wankain tasol.

Ol dispela progrem bai helpim mipela long daunim hevi bilong lo na oda, lukautim gut komyuniti bilong mipela, na strongim wok gavanens, tasol nau em i taim bilong mipela husat i holim ol bikpela lidasip posisen insait long PNG long kamapim dispela narapela bikpela samting ol i kolim politikel stabiliti.

Dispela em i bikpela prairiti bilong Somare gavman. Mipela i mas i gat politikel stabiliti sapos mipela laik kisim kaikai long dispela helpim Australia i wok long givim na sapos mipela i laik apim mak bilong laip bilong ol manmeri, kisim gutpela sevis na moa ekonomik developmen.

Gavman i laik kamapim ol bikpela konstityusenel rifom bilong kamapim politikel stabiliti. Sapos palamen i givim tok orait long ol dispela lejislesen na em i kamap lo long neks yia, bai ol Australia plis, jastis na pablik sevis helpim bai i ron gut.

Wok poroman namel long Papua Niugini na Australia i stap orait.

Long tupela de i go pinis, tupela gavman bilong mipela i luksave long dispela wok poroman na bai i helpim tupela kantri wantaim - na rijon we mipela i stap - bai gro na kamap strong moa long taim kantri i kisim independens.

-Rt Hon Sir Rabbie Namaliu, KCMG MP
Minista bilong Foreing Afeas na Imigresen - Papua Niugini

Piksa bilong Saddam i kamapim bel kros

IRAK:

WANPELA niuspepa long Irak i bin soim piksa bilong olpela presiden bilong Irak Saddam Hussein insait long banis kalabaus we planti pipel long biksiti Baghdad i bin hariap tru long laik baim ol dispela niuspepa. Ovasis nius i bin tokaut long dispela.

Dispela em namba wan poto bilong Saddam bihain long ol ami bilong Amerika i bin holim em na kalabusim em na poto ol i kisim taim ol atoriti i traim long toktok na askim kwesten traing em.

Seketeri bilong Amerika Difens Fos Donald Rumsfeld i tokaut

olsem dispela poto bilong Saddam insait long banis kalabus em bilong soim ol pipel olsem ol atoriti i holim Saddam pinis na em i stap laip insait long banis nau.

Ol ripot bilong Amerika atoriti i tok Saddam nau i stap long han bilong Sentrel Intalijens Ejensi nau na ol loya bilong US Gavman i wok long lukluk insait long ol hevi na toktok bilong em.

Tasol ol lain bilong Amnesti Intanesenel i tok Saddam i mas stap insait long grup bilong ol prisina ov woa o ol kalabus lain bilong woa na wanem samting ol i mekim long em i mas kam aninit

long luksave bilong Jiniva Konvensen.

Nicole Choveiry husat em mausmeri bilong Midel Is long Amnesti Intanesenel i tok egen-sim tru pasin ol i mekim long soim piksa bilong Saddam long niuspepa we em i tok i no stret olgeta long rot bilong sasim na kalabusim em.

Mipela i no stapim ol poto we i soim olsem man ya em Saddam stret. Tasol mipela ino wanbel long ol poto we i soim ol dokta na atoriti i wok long sekim ol bodi na skin bilong em, Misis Choveiry i tok.

Ol i mas putim Saddam Hussein olsem kalabus man bilong woa. Sapos ol i no mekim olsem, orait mipela i no save em i wanem kain kalabus man nau, em i tok.


Wanem kain pasin ol ami i mekim long soim ol piksa na wanem samting ol i mekim long em insait long banis kalabus i soim olsem ol i wok long kilim dai bel na tingting bilong dispela kalabus man, em i tok.

Poto long las wik Fonde i bin soim olsem ol i rausim mausgras bilong Saddam Hussein na tu ol i katim gras bilong em.

Long piksa em ol i soim Saddam i werim bilas bilong Irak stret na sindaun toktok wantaim Ahmed Chalabi husat em memba bilong Irak Gavaning Kaunsil. Chalabi tu em papa bilong dispela niuspepa kampani.

Ovasis ripot i tok planti lain bai holim dispela niuspepa poto i stap olsem rekot o memori bilong ol long lukim na tingim pinis bilong Saddam Hussein olsem lida bilong Irak long bihain bihain taim.

Dispela niuspepa em planti manmeri tru i baim na ol i salim moa long prais tru bilong niuspepa, Ovasis ripot i tok.



Soim aiwara tu mas pundaun long ol Palestin

AUSTRALIA:

Taim ol politisen i krai insait long palamen haus long bikpela birua na hevi ol pipel bilong Irak na Jerusalem i bin bungim, olsem wanem na ol i no krai tu long wankain bagarap na hevi ol pipel bilong Palestin i bungim we planti pipel tu i da.

Leba bekbensa bilong Australia Federel Palamen Julia Irwin i mekim dispela toktok.

Misis Irwin em memba bilong Westen Sidni na Leba pati memba.

Em i tok nau em taim bilong Israel long surik i go bek long boda em i save stap long en bipo long 1967 Midel Is woa.

Em i mekim dispela toktok long palamen olsem em i luksave long wari na sori ol politisen i pilim long birua na bagarap i kamap long ol gutpela manmeri na ol pikinini long Israel.

Tasol em i ting tupela sait bilong ston wantaim em ol lida i no glasin gut.

Taim mi lukim aiwara long ai bilong ol, mi ken luksave long sori na wari bilong ol long ol pipel bilong Israel.

Tasol yumi mas krai tu long ol pipel bilong Palestin. Yumi mas krai tu long planti tausen Palestin famili nau i stap long ol kem nabaut bikos ol i nogat haus, em i tok.

Em i tok em i save kros tru taim wanpela bom i bagarapim ol manmeri long Israel, dispela hevi i save kamap long olgeta nius bilong wol tasol planti pipel bilong Palestin i bin dai pinis i nogat ripot i kamap long dispela.

Taim ol buldosa i go insait na brukim haus bilong ol famili, nogat man i save stop na luksave long dispela hevi na wari, Misis Irwin i tok.

Yumi ino save harim nius bilong ol manmeri i dai na kisim bagarap long Palestin, em i tok.


Em i tok em i no amamas moa we olgeta taim ol sampela lain i save tromoi bom o pasim ol yet wantaim bom na tromoi ol yet i go na bomim ol arapela manmeri ol nius ripot i save tok em ol teroris.

Roket abrus long pundaun long Krismas De

• Britis Saintis i abrus long mekim Beagle 2 spes roket o balus bilong ol i go pundaun long Mars long Krismas De.

Dispela em namba wan taim tru long Yurop long traim pundaunim wanpela spes balus bilong ol i go pundaun long dispela Ret planet. Mars em wanpela hap graun we i save stap raun long skai.

I gat planti arapela hap graun olsem i stap we ol saintis i save kolim planet. Graun yumi stap long en tu em wanpela planet. San em wanpela bikpela planet tru long olgeta.



Biota pait strong long sik SARS

AMERICA:

BIOTA em nem bilong kampani we i bin mekim kamap marasin bilong kus we nus i blok na aiwara i ron (flu). Dispela kampani nau i wok long painim marasin bilong nupela sik ol i kolim sik SARS we i bin kamap bikpela long hap bilong Saina na ol Esia kantri na i bin kilim planti manmeri long dispela yia 2003.

Dispela kampani i bin sainim agrimen pinis wantaim tupela gavman opis bilong Amerika long wok i go insait long painim marasin bilong dispela sik SARS. Wankain taim tu ol bai traim long painim ol marasin bilong arapela sik olsem skin poks arapela moa.



Bel isi pasin i kamap long ples Kofena

Sape Metta i raitim

SEMENI . . . semeni na semeni. Dispela hap tok long tokples bilong ol lain long Kofena eria insait long Daulo Distrik, Isten Hailans provins we i tok olsem. Yu kam givim mi na mi kaikai na mi bai givim yu na yu kaikai.

Semeni em i wanpela long ol seremoni we i save kamap taim tupela birua i kamapim wanbel na bel isi pasin (peace) bihain long birua na pait igo i kam.

Na ino long taim igo pinis dispela semeni seremoni i bin kamap stret long rait taim. Em i kamap olsem wanpela krismas presen bilong ol viles lain long Kofena.

Ol wanpelin long Kanosa Lindima na Andaho i bin kamap wantaim wanbel na belisi pasin we ol i kilim ol pik na katim ol suga ken igo ikam long soim olsem inap em inap na ol i laik sindaun na kamapim gut laip bilong ol gen bihain long ol i bin birua na pait igo ikam inap 10-pela krismas olgeta.

Na planti manmeri na ol pikinini tu i bin painim bagarap na i dai pinis long dispela birua.

Na tu trangu ol asples manmeri long tupela sait wantaim i pret long lusim laip bilong ol na i ronowe nabaut na igo hait long ol bus na i stap long hap. Ol i mekim olsem ol i nogat tru tru viles and haus lain bilong ol na i ronawe na paul nabaut.

Ol komyuniti skul long dispela eria na tu ol bikpela kopi kampani olsem Foinda na Namba kopi plentesen i pasim operesen bilong ol bikos long dispela pasin birua.

Birua ya i bin istap strong na ino inap tru long stap, tasol long hatwok bilong ol lokel sios lida long dispela eria, bel isi na wanbel pasin i kamap.

Ol sios lida ya i kam long ol sios olsem olsem Luteran, SDA, AOG, Foursquare, Salvation Army, Sios ov Kraiss, EBC na UPC.

Siaman bilong dispela Daulo Distrik Sios Kaunsel, Pasta Frank Runtiko i bin tokim *Wantok* bihain long dispela semeni sere-

moni olsem ol atoriti na plis ino lukluk na traim long stapim dispela hevi. Long dispela as hevi ya igo na istap inap 10-pela yia olgeta.

"Olsem na mipela ol sios lida i kamapim dispela tingting long kirapim Daulo Distrik Sios Kaunsel we mipela i ken wok bung long daunim dispela hevi," Pasto Runtiko i tok. Em i tok sapos ol i sindaun tasol na lukluk, husat tru bai stapim dispela hevi.

"Mipela i kirapim dispela grup long 1999 na mipela i wok igo i kam insait long dispela eria bilong pait na birua.

Na bihain long sampela yia mipela i lukim kaikai bilong hatwok bilong mipela," Pasto Runtiko i tok.

Em i tok em i gutpela pasin long lukim ol birua i wanbel na i kam bung wantaim, na nau i luk olsem ol i ken i go bek long haus lain bilong ol tru tru na kamapim gen gutpela sindaun.



• Goroka Plis Stesin Komanda, Allan Oiyoba i witesim pis o bel isi pasin namel long o viles lida bilong Kanosa Lindima na Andaho long Kofena, Isten Hailans provins.



• Ol birua long Lindima Kanosa na Andaho i bung na singsing long semeni seremoni long Kofena, Isten Hailans.

Lukluk bilong Asbisop Sir Brian Barnes long 2003

LONG Papua Niugini planti manmeri moa i stap long ol ples. O i gat graun bilong ol na planti ol i gat kaikai na wanem samting ol i laikim i stap olsem kaikai, wara, ol samting bilong wokim haus, paiawut na arapela moa. Ol i save long abrusim sampela samting.

Elektrik pawa na lait em ol bikpela samting tumas long ol. Ol i ken lukim tasol long lait bilong paia. Sampela i gat lam. Mi bin stap long wanpela bus peris long sampela krismas i go pinis na mi save slip long liklik lam we mi lukim olsem em isi. Mipela i save gut long slip long tudak.

Long yumi toktok bilong profet Isaiiah i gat bikpela mining. " Pipel i wokabaut long tudak i lukim bikpela lait". Wanpela pikinini mama i karim long yumi. Pikinini man em i givim long yumi. Em bikpela God, Pikinini bilong King." (Is. 9:1, 5-6).


Sen Jon i mekim wankain toktok long gospel bilong em. Tok em i as bilong laip, na dispela laip i givim lait long pipel. Dispela lait i lait long ples tudak na tudak i no kilim dispela lait i dai. Dispela em tru lait. Dispela lait i kam long graun na lait long olgeta pipel. (Jon 1: 4-5,9).

Wantaim amamas yumi selebretim de mama i karim Jisas long Betlehem. Jisas bilong Nasaret, Lait bilong Laip na Lait bilong Amamas long olgeta hap graun.

Planti bilong yumi i save putim Jisas olsem strong bilong yumi long olgeta de. Yumi save lukluk i go long olgeta gavman lida bilong yumi long go pas long yumi na kamapim gutpela na strongpela kantri.

Planti i ken tok amamas long gavman bilong tude long sampela gutpela wok ol i mekim wantaim tu ol bosman bilong ekonomi. Yumi bin laki long wol prais bilong ol minerol, wel na ol agrikalsa kago i bin antap na i strongim strong bilong Kina.

I bin gat wok bilong noken tromoi mani nabaut na toktok bilong daunim bikpela pe bilong ol pablik sevans i kam daun wantaim



• Asbisop bilong Pot Mosbi - Sir Brian Barnes

liklik risal tasol. Narapela samting em long stretim gut rot na wok bilong ol pablik sevans long ol i mas mekim gut wok.

Tasol bikpela wok i stap yet em long bekim ol dinau. Long bekim olpela dinau na abrusim traim bilong kisim nupela dinau.

Longpela rot i stap long stretim ol samting na ol bagarap ol olpela gavman i bin paulim ol samting, mani i lus, ol wok i no stret na planti arapela bagarap moa insait long ol gavman opis na pablik mani na ol samting bilong stet.

Ombudsman Komisnin na Pablik Akauns Komiti i mekim gutpela wok long lukluk insait long ol hevi olsem. Sampela gutpela wok gavman i mekim long kirapim wok na bisnis insait long kantri na kamapim sampela wok long ol pipel.

Yumi lukim pinis long palamen ol memba i bin senisim ol sia bilong ol long givim strong long gavman.

Taim bilong vot i nogat bilip long mun Februari i kamap klostu na gavman i laik kamapim lo long surukim i go long 36 mun. Planti i klia gut long dispela.

Dispela em long traim kamapim narapela vot i nogat bilip. Gavman i wok long mekim gutpela wok nau olsem na wanem senis nau?

Olsem dispela senis em long gutpela bilong kantri o long amamasim hangre bilong sampela lida fasol long kisim pawa?.

Ating Praim Minista i ken toktok long dispela samting long traim strongim sanap bilong politiks insait long kantri.

Narapela piksa em long ol lida bilong yumi long palamen i bin traim long makim vot bilong ol long makim nupela Gavana Jenerel long palamen.

Ol i no bin kisim gut tok stia na klia gut long ol sampela rot bilong palamen long bihainim taim ol i mekim kain vot olsem. Ol i no mekim samting stret na kot i rausim dispela ileksen we em i bikpela sem tru long dispela kantri.

Taim ol i karimaut dispela ileksen gen, i gat luksave stret olsem pasin bilong rijon yet i kamap klia taim Ekting Spika i tok em i sapatim lain bilong em yet long Hailans long kisim dispela wok.

Tasol wok tru bilong Gavana Jenerel em i mas wanpela namel man tru na ino ken pas wantaim politiks o arapela bisnis nabaut.

Yumi gat longpela rot i stap yet long pinis dispela longpela rot bilong rijon o provins yet na senisim tingting bilong yumi i kamap wanpela pipel na wanpela kantri.

Wokabaut bilong Melesia Praim Minista i kam long PNG i pulim ai bilong PNG i go nau long Not na i no moa long olpela poroman olsem Australia, me kam ol viles i Joah suin lo

Taim ol i pulim ai na tingting bilong mipela, em i go long ol, mipela i no ken lusim tingting tu long bikpela helpim na ol bikpela wok

Australia i bin mekim long developmen bilong dispela kantri.

Dispela K2 bilien na ol plisman wantaim ol gavman opisa bilong Australia bai i kam wok long PNG i noken mekim ol i ting PNG bai pundaun o bungim birua olsem Solomon Ailan bikos PNG i no sanap long kain mak olsem Solomon i bin stap long en na bungim hevi.

Sampela lida i no save laikim man i sutim tok long em olsem na ol i save hatim ol lain i mekim kain toktok olsem. Ripot we i tok PNG em korap o kantri i gat planti paol na stil pasin i mekim ol lida i toktok hat tru long ol nius manmeri.

Tasol em i tru PNG i gat sampela korap o stil pasin olsem i stap tasol mipela i save traim long stretim na stopim ol long noken kamap.

Lo na oda hevi i bikpela samting long kantri. Tasol ol plisman nau i wok long kisim lo i go long han bilong ol yet na pretim ol pipel long givim sapat long ol.

Dispela i soim olsem ol plis yet i gat sampela raskol i stap insait long fos na strong bilong wok bilong plis fos i wok long go daun nau. Mi rait olsem wanpela olpela saplin bilong plis fos long 20 yia olgeta.

Yumi no stap insait tru long tudak long wanem samting i wok long kamap insait long kantri o long wanem samting gavman i laik mekim long stretim ol hevi na sindaun bilong kantri.

Tasol i gat sampela tudak i stap we sampela hevi i no kamaut ples klia o nogat man i tokaut long ol. Tasol bikpela lait long kam bilong Bebi Jisas long dispela graun em lait bilong yumi bihainim long rausim ol tudak i stap long pes bilong yumi long ol hevi yumi bungim tude.

Olsem na yumi olgeta wantaim famili na komyuniti bilong yumi i ken amamasim dispela gutpela Krismas presen we Jisas yet em dispela presen wantaim amamas na bel isi.

Stori bilong wokman



Nem bilong em: **KIMROSE KENEKE**
 Provins bilong em: **Sentral Provins**
 Marit o Singel: **Marit**
 Ol pikinini: **Tripela**

Ol arapela stori bilong em na wok bilong em.

Wok bilong em: **Team Leader Shares Department Kina Securities Limited**

De em joinim wok: **21 Novemba 1988**

Olpela wok: **Bank Teller & Costing Clerk (Westpac) (Sullivan's Wholesale)**

Stat wok olsem: **Accounts Clerk**

Winim Posisen / Sampela gutpela samting i bin kamap:

- 1988 Accounts Clerk
- 1989 Shares Settlement Clerk
- 1989 Shares Officer

Em i holim wok tu olsem Administration & Superfund insait long supavaisa posisen.

- 1999 Em i ken mekim wok i go insait long POMS0X
- 2001 Team Leader Shares Department

Ol salens:

Taim ol wok ino bin kamap gut long kampani long sampela yia i go pinis, mipela i kisim bikpela salens long lukluk nabaut long painim wok bilong mekim.

Ol samting bilong mekim wok wantaim i bin hat tru taim kampani i gat wanpela kompyuta masin tasol long wok wantaim we ol seketeri i save yusim long mekim wok bilong ol. I nogat wanpela kompyuta bilong mekim ol wok bilong Stock Market infomesen olsem na mipela i save raitim tasol long han long ol pepa na givim long ol kastoma bilong mipela.

Mipela i stat long kisim save long yusim kompyuta tasim Kina Securities i stat long groa bikpela.

Ol samting em lukim taim Kina Securities i stat long mekim gutpela senis na groa insait long ol yia i kam olsem:

6-pela wokmanmeri tasol go antap long 75 wokmanmeri.

Ol nupela seaholda i tekova long kampani.

Wanpela kompyuta tasol i go long moa kompyuta na ol nupela masin bilong mekim wok wantaim olsem email na stock market we i mekim mipela i ken lukim muvmen bilong ol tred.

Ol bikpela samting mi ken tingim long Kina Securities:

I bin gat gutpela lukluk taim Kina i bin liklik kampani na i lukluk long nupela menesmen we i sut long lukim kampani i groa kamap bikpela long mak em i stap tude. Kampani we i go pas tude olsem stok broka na fainensal institusen long Papua Niugini.

Em i gutpela long lukim Shares Advisor i edvaisim na helpim ol pipel em wanpela gutpela sait bilong wok na mi bin amamas long serim wantaim ol arapela wanwok wantaim samting mi save long mekim na dispela mi bin mekim planti taim i kam olsem na mi ken lukim kampani long sampela taim bihain wantaim wanem samting mi save na ol wanwok i ken karim wok i go het yet.

Edvais na gutpela tok stia bilong em:

Amamas long ol nupela tingting na save i kamap long mekim wok long ol manmeri husat i kam long mekim wok. Na i no gutpela long bihainim ol rul na lo bilong wok we sampela taim i olpela na i no moa sut long ol senis bilong wok tude.

Wanem kain wok i kam long yu mekim we i ausait long wok tru kampani i makim yu long mekim, yu ken mekim wantaim gutpela bel na tingting na amamas long mekim. Wanem long mekim ol dispela salens na amamas long lainim ol nupela samting long wok. Kastoma Sevis em bikpela samting long Kina Securities. Olsem na toktok klia na mekim klia long ol kastoma long ol samting na ol senis i stap. Ino gutpela long ol i kam na askim olgeta taim.

Gutpela taim long raun long sip long Krismas

James Kila i raitim

PLANTI manmeri i gat kain kain we long, amamasim Krismas. Tasol mi ken tok olsem wanpela gutpela wei long amamasim famili em long kisim ol raun i go long wanpela nupela ples na soim ol pasin na kalsa bilong dispela ples.

Las wik tasol mi bin kisim bot na ron lusim bikpela bris long Lae na katim solwara i go olsem long Oro Be. Tru tumas dispela raun long sip i bin gutpela tru. Mi bin sindaun insait long Fes Klas kebin wantaim 3-pela wanwok bilong mi. Mipela olgeta i amamas tru long dispela ron bilong sip long nait taim mipela i ron antap long solwara.

Star Ship i gat ol sip olsem Rabaul Queen, Kimbe Queen, Morobe Queen na Solomon Queen we i save givim gutpela sevis long ol manmeri.

Dispela ron bilong mipela i go long Oro Be long fes klas em K120 long wan wan pasindia. Ol pasindia long ol narapela dek em K60. Dispela em bot fea i go long Oro Be tasol.

Mipela i lusim bikpela bris long Lae long samting olsem 6:30 long apinun. Taim mipela i ron yet long solwara tudak i kam. Mipela i ron yet long solwara na tudak i wok long bungim mipela. Tasol taim mipela i lukluk i go olsem long Lae bris ol kala bilong lait i mekim ples i luk nais tru.

Star Ship i save ronim ol sevis bilong em namel long Lae na Oro Be na i save givim gutpela helpim tru long ol manmeri husat i save go kam namel long dispela tupela ples.

Taim mipela i ron antap long solwara yet mun tu i wok long kam antap na stat long lait. Planti ol pasindia i amamas na wokabout long sait sait bilong bot na stori wantaim ol narapela. Sampela ol yangpela tu i bringim redio kaset bilong ol i go antap long bot na pleim ol musik na amamas tru long harim.

Narapela wanwok bilong mi Bernard Goma i tok olsem dispela pasin long raun long bot em wanpela gutpela kain presen tru long givim ol meri na pikinini bilong em. Em i tok ating sampela taim em bai kisim ol boi bilong em na ol bai kalap long bot na raun olsem i go long Oro Be.

Fes Klas Kebin

Olsem mi stori pastaim mi wantaim 3-pela narapela wanwok bilong mi i bin stap insait long Fes Klas kebin. Dispela kebin i luk wankain olsem yu stap insait long balus stret. I gat ea kondisen na bai yu pilim kol nais tru na pasim ai long slip.

Insait long fes klas kebin tu i gat wanpela TV i stap. Long samting olsem 7 kilok wanpela kru bilong bot i kam na toksave olsem taim bilong lukim vidio nau. Mipela olgeta i redi pinis na sindaun. Bagaros i tok olsem ol bai kontrolim vidio long kebin bilong kepten.

Insait long fes klas kebin i gat sans long lukim ol gutpela piksa long vidio. Taim mipela i bin stap antap long bot mipela i bin gat sans long lukim wanpela gutpela piksa bilong baibel we i stori long Moses husat i kisim 10-pela komanmen o 10-pela lo.

Gutpela kala bilong moning skai

Dispela ron bilong Morobe Kwin i bin nais tru na tu ol pasindia antap long bot i wok long givim planti kainkain stori na amamas wantaim.

Sampela ol lain bilong Westen Hailans tu i bin kalap long bot wantaim mipela taim bot i bin lusim Lae bris. Ol dispela lain i laik raun i go olsem long Popondeta na painim buai bilong salim.

Morobe Kwin i bin sua long bris long Oro Be long samting olsem 6 kilok stret long moning.


Tasol pastaim long en taim bot i wok long ron yet klostu long Killerton, gutpela moning san i kam antap na mekim klaut i ret naispela tru. Planti ol liklik pikinini wantaim papamama i go sanap na lukluk long dispela naispela kala bilong bot.

Mipela i bin go sua long bikpela moning tru na ol pasindia i stat long rausim ol kago igo daun.

Bihain mipela i karim ol beg bilong mipela na i go sanap long geit bilong Oro Be bris na putim ai long ol PMV bas nabaut.

Yes, PMV fea long Oro Be i go olsem long Popondeta taun em K5. Tasol wanpela gutpela samting em bai yu ken lukim em olsem rot i gutpela tru na em kolta tasol i go olgeta long Popondeta taun.

Dispela kain raun long bot wantaim famili long taim bilong Krismas em i gutpela long soim ol nupela ples na tu long amamas long raun wantaim olsem famili.



• Pato bilong solwara i kisim fri raid long sip. Dispela pato i abrus na kalap long sip. ol pasindia i amamas na holim em. Foto: JAMES KILA


Lukluk i go bek long yia 2003 ol katun bilong wanem samting i kamap long kantri




• Ol Defence Fos soldia i bungim sampela ol Bogenvil long Solomon Ailan - Julai 2003 Isu.




• Stapim susu bilong Australia nau - Ogas 2003 Isu.




• Lo bilong hangamapim man - Septemba 2003 Isu.



• Telikom i straik long Mosbi na Lae - Oktoba 2003 Isu.



• Lusim kopi long han bilong asples - Oktoba 2003 Isu.



• Malaysia i tok PNG bai no inap pundaun - Oktoba -Novemba 2003 Isu.

Atis bilong Wantok niuspepa Jada Wilson i mekim o droim oigeta katun i stap insait long pepa. Tenkyu tru long sapot bilong yupela long wokim Wantok niuspepa i kamap strong long dispela taim nogut yumi stap long long en. Lukim yupela gen long yia 2004 long sapot bilong yupela!

Cartoonist - Jada Wilson 2003!



• Planti paul pasim long gret 12 eksem - Novemba 2003 Isu.



• Somare autim baset - Novemba-Desemba 2003 Isu.

lo Pato bilong solwara i kiam traid long sip. Dispele pato i sdrus na kaisip long sip. lo

lo Pato bilong solwara i kiam traid long sip. Dispele pato i sdrus na kaisip long sip. lo

PNG musik industri senis long 2003

NEVILLE CHOI i raitim

OLGETA yia mipela i save lukim planti nupela developmen i kamap long sait bilong musik industri long Papua Niugini.

2003 em i wankain. Planti nupela samting i bin kamap long PNG musik we i senisim industri na stail bilong musik bilong ol PNG musik atis.

Long dispela rivi o lukluk bek long ol samting i kamap insait long musik industri long PNG long 2003, bai mipela tingim bek ol bikpela samting i bin kamap.

Taim bilong Pasifik musik gen long PNG

Long stat bilong yia, planti manmeri husat i save skelim PNG musik i luksave olsem musik bilong Pasifik i wok long bikpela gen insait long PNG.

Ol i tok olsem bihain long Sharzy, wanpela musik atis bilong Solomon Ailans i bin winim awod olsem 'Rookie o nupela atis bilong yia 2002'.

Planti musikman i tokaut olsem musik bilong Pasifik bai helpim tru ol PNG musik atis long givim gutpela kwolati musik.



• Wanpela long ol nupela yangpela PNG atis em Jamie Lee Chan (raithan). Em i mekim nem bilong em taim em i singsing wantaim narapela yangpela atis, Straky. Long dispela piksa, em i singsing wantaim mama bilong em Cathy Lee Chan.

husat i bin kam raun long dispela 'Unity Tour' em Politix, Black Temple, Hidden Souls, Hermits na Naitwoks Ben.

PNG lukim planti atis bilong ovasis

2003 i lukim planti atis bilong ovasis tu i kam. Sampela long ol em ol musik atis i bihainim o makim ol bik nem musik atis long wol.

Ol sampela lain we i bin kam long Pot Mosbi em wanpela meri i singim ol musik bilong Madonna, ol lain i makim Abba, Elvis, Michael Jackson, Elton John na Beatles.

I no ol tru tru lain i kam, nogat, em ol lain husat i save long olgeta danis na singsing bilong ol bik nem atis long wol.

Tasol i gat sampela tru tru musik atis tu i bin kam raun long Pot Mosbi. Bikpela pati tru i bin kamap long Lae na Mosbi em taim ol DJ (ol lain husat i save sigarapim ol rekod). Ol i kam na kukim pastaim Lae siti na bihain taim ol i kam long Mosbi, Mosbi i paia.

Vanessa Quai karim gospel na Vanuatu musik i kam long Mosbi

Long pasim 2003 wantaim Pasifik musik, liklik stail meri bilong Vanuatu, Vanessa Quai i kam long Mosbi long Pasifik. Em i soim stail bilong musik long Vanuatu na autim tok bilong bikman wantaim.

Em nau i makim rot bilong musik insait long PNG bilong 2003.

Planti ol yangpela musik atis bilong PNG yet tu i bin mekim nem bilong ol long dispela yia.

Sampela long ol em Manny, manki Alotau, Jamie Lee Chan, pikinini bilong biknem musik meri, Cathy Lee Chan, Straky na long ol ben i mekim nupela stail musik long ples bilong ol yet em Niu Age Band bilong Bogenvil.

Wanpela samting i klia. Musik bilong PNG, i wok long kamapim planti developmen. Ating neks yia bai lukim planti moa gutpela samting bilong PNG musikman on



• Black Temple, wanpela ben bilong Bogenvil i bin go pas long ol arapela ben bilong Bogenvil long namba wan Unity Tour bilong ol long Pot Mosbi.

Ol stail bilong Pasifik musik i bin helpim planti long ol PNG musik atis husat i wok long raitim ol nupela stail PNG musik wantaim planti stail bilong Pasifik.

bilong ol wantok bilong ol long ples husat i bin kisim taim bihain long wanpela bikpela saiklon o raun win i kam na bagarapim ples bilong ol.

Mangrove Studios long New Caledonia.

Aninit long bung bilong tupela studio, nem bilong PGS i stap yet aninit long lukaut bilong CHM.

CHM boss kisim luksave

Boss bilong Chin H Meen, Raymond Chin i bin kisim luksave bilong Kwin bilong Inglan taim em i kisim awod bilong Most Excellent Order of the British Empire. Dispela awod i luksave long wok em mekim long sait bilong musik insait long PNG.

Mista Chin em i namba tu man PNG long winim dispela luksave. Namba wan man long kisim dispela luksave em bikman bilong Tolai rok/George Mamua Telek.

CHM baim Pacific Gold Studios

Mun Mei i lukim wanpela bikpela senis insait long musik industri bilong PNG taim CHM Studios i baim Pacific Gold Studios.

Pacific Gold na CHM i bung long kamap namba wan studio long rekodim, katim kaset na distributim ol long PNG na long Pasifik wantaim.

CHM nau i save makim na distributim musik bilong ol arapela liklik studio olsem Tumbunda Traks long Madang, Palm Slave long Kimbe, Island Sounds Studios long Rabaul, Kumul Studios long Goroka, Kusai Studios long Kavieng, Soundwave Studios, Cyclone Studios, GMA Studios na

Bogenvil musik atis raitim musik bilong strongim pis na bel isi

Bihain long bikpela pait na woa long Bogenvil, 2003 em i yia bilong ol musik atis bilong dispela provins long kamautim ol musik bilong ol long strongim wok pis na bel isi.

Bogenvil Sound Studios, we i bin kamap long 2001, i bin kamaut wantaim planti musik ben na ol singsing bilong Bogenvil yet.

Long Septemba, pastaim long independens, sampela ben bilong Bogenvil i bin kam raun long Pot Mosbi long promotim wok bilong strongim pis long Bogenvil na long amamasim independens bilong kantri wantaim ol arapela studio. GMA Studios na

EM TV

Trinde
31/12/2003

5.30	JOYCE MEYER MINISTRY	8.00	SOUTH PACIFIC MUSIC
6.00	TODAY SHOW	9.00	XENA WARRIOR PRINCESS
9.00	MALOLO CLUB	10.00	HERCULES
11.00	CREFFLO DOLLAR	11.00	BACKYARD BLITZ
11.30	***EMTV CLASSIFIEDS**	11.30	CHANGING ROOMS
2.29	STATION RE-OPENS	12.00	EMTV NEWS REPLAY
2.30	SESAME STREET	12.30	EMTV CLASSIFIED
3.30	FLINSTONES		
4.00	WONDER WORLD		
4.30	PICK YOUR FACE		
4.47	EMTV TOKSAVE		
5.00	BURGO'S CATCH PHRASE		
5.29	EMTV NEWSBREAK		
5.30	THE PRICE IS RIGHT		
6.00	NATIONAL EMTV NEWS		
6.30	A CURRENT AFFAIR		
6.59	TOK PISIN NEWS UPDATE		
7.00	LOTTO DRAW		
7.01	THE NEW YEAR IN REVIEW		
8.00	THE BLOCK		
8.57	EMTV TOKSAVE		
9.00	WEDNESDAY NIGHT MOVIE: BEST MEN		
10.30	EMTV NEWS REPLAY		
11.00	SOUTH PACIFIC MUSIC		
11.50	NEW YEAR'S EVE FIREWORKS 2003		
12.30	NEW YEAR'S EVE PARTY		

Sande
4/1/2004

6.22	CHIT CHAT	12.00	THE CRICKET SHOW
6.27	EMTV TOKSAVE	12.30	CRICKET continues
6.30	TIM HALL MINISTRY	5.00	SPECIAL: TALES OF SHARK HUNTER
7.00	THE TEACHING MINISTRY	6.00	NATIONAL EMTV NEWS
7.30	IT IS WRITTEN	6.30	SEVENTH HEAVEN
8.00	EMTV XTREME SPORT	7.30	DOCUMENTARY: TBA
9.30	4th TEST: Australia A vs India	8.27	EMTV TOKSAVE
		8.30	SUNDAY NIGHT MOVIE: BRITANNIC
		10.25	CHIT CHAT
		10.30	NEWS REPLAY
		11.00	CHURCHES MAGAZINE
		11.30	PRaise
		12.30	EMTV CLASSIFIEDS

Fonde
1/1/2004

5.30	JOYCE MEYER MINISTRY	8.30	JOYCE MEYER MINISTRY
6.00	TODAY SHOW	6.00	TODAY SHOW
9.00	MALOLO CLUB	9.00	MALOLO CLUB
11.00	CREFFLO DOLLAR	9.30	CRICKET Australia v India
11.30	NOBEL PEACE PRIZE 2003	12.00	CRICKET SHOW
12.00	THE YEAR IN REVIEW	12.30	CRICKET Australia v India
1.00	MUSIC SPECIAL: DIXIE CHICKS - TOP OF THE WORLD	5.30	PICK YOUR FACE
2.00	LOONEY TOONS	6.00	NATIONAL EMTV NEWS
2.30	FLINSTONES	6.30	A CURRENT AFFAIR
3.00	PICK YOUR FACE	6.59	NEWS UPDATE
3.30	3 DAY TOUR GAME: Australia A vs Zimbabwe	7.00	LOTTO DRAW
6.00	EMTV NEWS	7.01	PRaise
6.30	A CURRENT AFFAIR	8.00	LOVES ME LOVES ME NOT
6.59	NEWS UPDATE TOK PISIN	8.30	SOUL CITY
7.00	SPECIAL: DR RAMESH RICHARDS	9.27	EMTV TOKSAVE
7.30	Australia A vs Zimbabwe ... cont	9.30	WHO WANTS TO BE A MILLIONAIRE
11.12	EMTV TOKSAVE	10.30	NIGHTLINE
11.15	SURVIVOR	11.00	CHM SUPER SOUND
12.15	EMTV NEWS REPLAY	12.00	EMTV NEWS REPLAY
12.45	EMTV CLASSIFIEDS	12.30	EMTV CLASSIFIED

Fraide
2/1/2004

5.30	JOYCE MEYER MINISTRY	8.00	JOYCE MEYER MINISTRY
6.00	TODAY SHOW	6.00	TODAY SHOW
9.00	MALOLO CLUB	9.00	MALOLO CLUB
9.30	4th TEST: Australia vs India	9.30	CRICKET Australia v India
12.00	THE CRICKET SHOW	12.00	CRICKET SHOW
12.30	CRICKET Australia vs India	12.30	CRICKET Australia v India
5.30	PICK YOUR FACE	5.30	PICK YOUR FACE
6.00	NATIONAL EMTV NEWS	6.00	NATIONAL EMTV NEWS
6.30	A CURRENT AFFAIR	6.30	A CURRENT AFFAIRS
6.59	NEWS UPDATE IN TOK PISIN	6.58	NEWS UPDATE
7.00	LOTTO DRAW	6.59	LOTTO DRAW
7.01	DIY RESCUE "Final"	7.00	MUSICAL SPECIAL: ROD STEWARD IN CONCERT REPORT
8.00	TOK PIKSA	8.00	EMTV TOKSAVE
8.30	FRIDAY NIGHT MOVIE: THE GODS MUST BE CRAZY (Part 1) A bush man in the Kalahari encounters technology for the first time in the shape of a Coke bottle. He takes it back to his tribe and uses it for many tasks. The tribe starts to fight over it, so he decides to return it to the Gods where he thinks it came from. Meanwhile, we are introduced to some new characters, a school teacher assigned to a small village, and a clumsy biologist.	8.27	EMTV TOKSAVE
10.27	EMTV TOKSAVE	8.30	MCLEOD'S DAUGHTERS
10.30	NIGHTLINE	9.30	STINGERS
11.00	BURKE'S BACKYARD	10.30	NIGHTLINE
12.00	EMTV NEWS REPLAY	11.00	BABYLON 5
12.30	EMTV CLASSIFIEDS	12.00	EMTV NEWS REPLAY
		12.30	EMTV CLASSIFIEDS

Sarere
3/1/2004

8.00	PLANET FANTA	8.00	PLANET FANTA
9.30	CRICKET Australia A vs India	9.30	CRICKET Australia A vs India
12.00	THE CRICKET SHOW	9.00	THE BLOCK
12.30	CRICKET continues	9.57	EMTV TOKSAVE
5.00	ESCAPE WITH ET	10.00	WEDNESDAY NIGHT MOVIE: CITY OF INDUSTRY Lee Egan lures his older brother Roy out of retirement with a sweet jewel heist, only to get killed by a backstabbing partner; the it's up to Roy to get revenge. Stars Harvey Keitel, Timothy Hutton
5.30	FISHING NORTH AUSTRALIA	12.00	NIGHTLINE
6.00	NATIONAL EMTV NEWS	12.30	EMTV CLASSIFIED
6.30	NCDC NEWS		
6.57	EMTV TOKSAVE		
7.00	AUSTRALIA'S FUNNIEST HOME VIDEO SHOW		
7.30	BARK OFF		



Nem: Rumat Ka'a
 Krismas: 17 (man)
 Adres: Agarabi Primary School,
 PO Box 169, Kainantu, Eastern
 Highlands Province
 Save laikim: Harim musik na pilai
 ragbi.

Nem: Winifred Aron (17), Stella
 Hombi (17), Nickysita Kilimun (17),
 Madline Somogoru (17), Samantha
 Huanjo (15)
 Adres: Mercy High School, PO
 Box 580, Wewak, East Sepik
 Province
 Save laikim: Go raun long taun,
 pilai volibol, harim musik, lukim TV
 na mekim pen prenren.

Nem: Laia Yusie
 Krismas: 15 (man)
 Adres: Telefomin High School, PO
 box 61, Telefomin, Sandaun
 Province

Save laikim: Pilai soka, volibol,
 gita, lukim supersound video clips,
 wokim fani na raitim leta.

Nem: Sowpe Tato
 Krismas: 24 (man)
 Adres: C/- Arberth Silvanis, CCEA,
 PO Box 2900, Lae, Morobe Province
 Save laikim: Go wantaim ol yut
 long lotu, harim ol gospel musik, wok
 long gaden, raitim pas long ol kristen
 brata, sista na mekim pren wantaim
 ol.

Nem: Nicholas E. Arthur
 Krismas: 19 (man)
 Adres: Asuansi College, PO Box
 162, Cape Coast, Ghana, West
 Africa
 Save laikim: Ridim na raitim leta,
 bungim ol pren, senisim presen na
 ridim ol stori buk.

Nem: Naren Kabelsep
 Krismas: 16 (meri)
 Adres: Telefomin High School, PO
 Box 61, Telefomin, Sandaun
 Province
 Save laikim: Pilai volibol, soka,
 painim abus long bus na raitim ol
 pas.

Nem: Narki Kings
 Krimas: 17 (meri)
 Adres: Mercy High School
 Yarapos, PO Box 580, Wewak, ESP
 Save laikim: Harim musik, ridim
 buk, waswas long wara na lukim TV.

Nem: Dulcie Ramoi
 Krismas: 16 (meri)
 Adres: Mercy High School,
 Yarapos, PO Box 580, Wewak, ESP
 Save laikim: Wokim fani, harim
 musik na go danis, pilai soka na bas-
 ketbol na rait long pren.

Nem: Sleazie Meombi
 Krismas: 17 (meri)
 Adres: Mercy High School,
 Yarapos, PO Box 580, Wewak, ESP
 Save laikim: Pilai ol kankain ol
 spot, danis, kukim kaikai na
 waswas.

Nem: Emmanuela Baiwog
 Krismas: 17 (meri)
 Adres: Mercy High School,
 Yarapos, PO Box 580, Wewak, ESP
 Save laikim: Ridim buk, pilai vol-
 ibol na basketbol, kukim kaikai na
 lukim TV.



Boi winim ol masalai



LONG wanpela ples ol i kolim
 Waragan planti man i stap. Na
 wanpela masalai i kam long dis-
 pela ples na olgeta taim em i kilim wan
 wan man na kaikaim ol.

Mekim olsem igo igo na ol man klostu i
 pinis olgeta. Em ol i mekim long bus i gat
 maunten.

Olsem na ol wan wan i stap hia ol i lusim
 dispela ples na ol i laik igo long nambis. Tasol
 ol i bihainim rot igo na ol i brukim wanpela
 bikpela maunten tru i go.

Na trangu wanpela meri i gat bel. Klostu
 em i taim bilong em long karim pikinini. Na
 man bilong en ino tingting moa long dispela
 meri i gat bel.

Na meri i ting olsem, maski mi pinis long
 dispela graun. Na em i go bek long ples
 bilong en, we ol i bin lusim pinis.

Klostu em i karim pikinini na em i lukim
 wanpela ston i gat hul na em igo insait na em
 i lukim gutpela ples tru.

Na em igo ausait na kisim paiawut na
 kaikai samting bilong em. Em i go insait gen

na mekim bikpela paia tru. Na em i go ausait
 na lukim smok na smok ino go ausait. Olsem
 na em i go bek na stap long hap. I no long
 taim nau, em karim pikinini man.

Em i amamas tru na i lukautim istap na em
 i kamap bikpela liklik. Na mama i sapim giaman
 banara na givim em.

Na trangu liklik boi ya i kamap bikpela pinis
 na sampela man i bin lusim banara na i go
 pinis long nambis.

Na boi ya i kisim olgeta na sutim kapul na
 kain kain pisin. Na mama bilong em i tokim
 em, "Yu no ken igo long ples i longwe na long
 maunten.

Bipo wanpela masalai i kilim na kaikaim
 planti ol man tru. Na ol i pret na igo long nam-
 bis na mi wanpela i stap. Yu istap long bel
 bilong mi na mi hevi tru na ol lusim mi igo."

Mama i mekim olgeta stori ol i bin mekim
 long em. Na pikinini i no tingting moa long
 dispela toktok bilong mama long masalai.

Em i go ausait na wokim wanpela bikpela
 haus long ples klia tru. Na banisim haus
 bilong em wantaim tripela banis olgeta. Em

sapim banara, spia olgeta inap pinis, orait em
 i pulim mama i kam insait na igo putim em
 long gutpela haus.

Na yangpela ya em i mekim bikpela smok
 giaman long pulim ol masalai na kilim ol idai.
 Na ol i lukim smok na i kam nau.

Orait ol i pait igo, igo na man i strong na
 kilim ol idai. Lain namba tu i kam olsem yet
 namba tri i kam olsem yet.

Em i pinisim ol masalai. Na mama i ama-
 mas tru na i go sekanim em. Na em i salim
 tok igo long nambis na ol man i kam na
 mama i stori long ol.

Na ol i amamas tru long em na sekanim
 em. Ol i karim em igo na singsing. Ol i givim
 pik, spia, na planti samting.

Na bihain ol i givim gutpela naispela meri
 long em.

Na ol stap gut igo igo inap gutnius i kam
 long ol na nau tu ol i stap gut tru long dispela
 ples ol i kolim Waragan Viles.

Wavem Dingor
 Finschhafen, Morobe provins

Bai mi wokim wanem long tisa husat i save belhat tumas long mi

Dia Laiplain,
 Mi belhat tru long wanpela tisa bilong
 mi. Pes taim yet mi kam long dispela skul
 i kam inap nau, mi lukim olsem em no
 save laikim mi.

Sapos mi stap wantaim ol sumatin na
 wanpela bilong ol i mekim trabel, dispela
 tisa bai tromoi toktok antap long mi. Em
 bai ino inap painimaut gut pastaim.

Em save tokim tu ol narapela tisa na ol
 narapela klas tu olsem mi wanpela man
 bilong mekim trabel.

Em save mekim ol samting wantaim bel-
 hat, na no save laik long harim toktok
 bilong ol narapela. Ol klasmet bilong mi
 ino amamas tu na ol i wok long toktok
 long paitim em.

VICTIMISED

Dia Pren,
 Sori long harim olsem tisa bilong yu save
 tromoi toktok antap long yu olgeta taim.

Yu no tok hau dispela problem i stat. I luk
 olsem yu ino laikim tisa bilong yu na em tu ino
 laikim yu.

Yu ino bin harim toktok o bikhet liklik long



bipo tu o mekim sampela samting olsem na
 em ino save trastim yu tu?

Dispela ino gutpela na yu mas traim long
 stretim. Sapos yu no stretim, skul bilong yu i
 ken bagarapim.

Traim long toktok long Het Tisa long dispela
 na stori long ol sampela taim tisa ya i bin
 sutim toktok nating long yu. Nogut em bai
 inap long helpim yu.

Yu ken toktok long dispela tisa yet tu. Long
 strongim yu taim yu toktok wantaim dispela
 tisa, wanpela klasmet o poroman bilong yu
 ken go wantaim yu.

Toktok long gutpela we long hau yu fil long
 wanem samting em wok long mekim na tok
 sori long wanem bikhet pasin yu bin mekim
 long bipo. Nogut em no luksave long wanem
 samting em wok long mekim long yu o hau yu
 fil long dispela.

Laiplain laikim yu long toktok long gutpela
 we long stretim dispela problem na noken
 pait o kros, em bai problem i kamap bikpela
 moa.

LAIPLAIN

TOKSAVE

Salim hevi o wari bilong yu ikam
 long - LAIPLAIN, P.O Box 6047,
 Boroko, NCD. Yu ken ringim mipela tu
 long telipon namba 326 0011.

Mipela ino inap autim trupela nem
 bilong yu long hia.

Tasol taim yu rait long laiplain, yu
 mas putim trupela nem na adres
 bilong yu, bai mipela bekim pas
 bilong yu.

Tok pilai wantaim Kanage olgeta wik



Kanage em bilong Tangu long hap bilong Bogia na em save wok olsem wanpela kapenta wantaim wanpela kampani long Madang.

Olgeta taim long moning trak bilong wok save raun pikim ol wok man na meri. Las tru ol save igo kisim Kanage long 26 bus stop.

Taim Kanage kalap long kar em bai stat wokim tok pilai wantaim poro bilong em Baitex.

Tupela tok pilai igo na Kanage yu save tok pisin em em ya. Em givim gut wan long poro bilong em Baitex.

Poro bilong em Baitex tok em orait yu winim mi yumi igo long ples bilong wok pastaim. Long ples bilong wok poro bilong Kanage kisim retpela making pen pinis na em kisim hap pepa na raitim olsem 'empty bottle buyers'. Em raitim pinis orait stikim wantaim stiki teip na stikim long as bilong Kanage long trausis.

Kanage em ino save pepa ya pas long trausis bilong em. Boi nogut tekov igo long Redscar long painim buai.

Taim em nildaun long baim buai pepa ya hangamap igo daun na meri Zebu lukim olsem na askim 'hei Kanage yupela baim ol empti botol a? Mi bungim planti istap mi painim ples bilong salim ya.'

Na Kanage tanim na tokim em 'sori tru Kange bifo yes nau nogat'. Na Meri Zebu lap wantaim na tokim Kanage 'na pepa long beksait i tok olsem yupela baim empti botol'.

Taim Kanage putim han em rausim pepa long as bilong em. Man em sem pipia stret na em tingim tasol em ino husat, em Baitex tasol.

Joe Samanga
Madang

Paps Kanage em boi Bull Taun stret. Boiros ya em i gat wanpela gutpela na naispela gelpren. Gel bilong Kanage em bilong Wau. Tupela i save igo ikam na lukim tupela yet.

Tasol sampela mun igo pinis Paps Kanage ino more lukim gelpren bilong em.

Slip na kirap wantaim wari Paps Kanage igo long painim em.

Kanage kisim bas long Bulolo igo long Wau. Trangu meri ya ino bin istap.

Paps Kanage kukim gen igo daun long Lae long painim em. Em ino stap tu. Paps Kanage wantaim bel hat na wari i raitim wanpela pas igo long meri ya istap pinis long Pot Mosbi siti.

Pas bilong Paps Kanage ya igo olsem; 'Dia Darlin, I went to Bulolo, I went to Wau. I went to Lae. But I never ever saw you. And when I saw your photo you look liklik lik a flower girly and I was slek laik a rubber tyre'.

Isbonco
Bulolo, Morobe provins

Kanage bilong Buka ailan. Long Wanpela taim em wantaim tambu man bilong em bilong Madang tupela igo long bus long brukim paiawut.

Tasol sori tru long kain pasin bilong Kanage em ino save gut long tok pisin. Taim em laik tok tanim diwai bai save tok pulim.

So tupela daunim diwai pinis na nau em taim bilong splitim igo liklik long mekim isi long tupela bai karim igo long ples.

Taim paiawut o diwai slip long graun nau Kanage tokim tambu olsem taim i laik tromoi dispela tamiok yu mas pulim hariap na bai diwai split gut.

Nau mangi Madang i redi long pulim diwai na tamiok kaikai graun. Ating em wokim olsem tasol na Kanage belhat na lusim tamiok na tokim tambu 'yu save pulim olsem ha.

Ino olsem em olsem. Yu mekim na tit

bilong tamiok mi bagarapim tru ya'. Tasol trangu em min long tok tanim, na save tok pulim.

Man tambu bilong em tokim Kanage 'yu mas tok tanim ino pulim'. Na Kanage sem na giaman strong long sait bilong em na tok tanim bilong Austrelia taim. Nau PNG taim em pulim.

Tasol tambu bilong em i lap wansait stret taim Kanage sindaun stretim tit bilong tamiok long lapun fail bilong em.

Philip Yama
Buin, Bogenvil

Wanpela taim Kanage go raun long 4 mail maket long Madang. Yu save maket ya em bilong ol asples.

Em go raun tasol na em askim laik long wanpela meri Wali. "Hois, o mi gat laik long yu ya. Inap yu tok stret na mi kam wantaim yu?" Meri Wali i bekim, "maski pes nogut, yu go mipela save les long ol pes nogut. Mipela ol meri Wali save kam gud ya".

Kanage i kirap na bekim tok olsem, "hei, harim brata bilong yupela Gedix Atege tok yupela ol meri Wali hits save laikim ol pes nogut ya." Wali bekim, "yu bagarapman. Yu go lukim Gedix long ples Gum na kaikai maus bilong em."

Kanage sem pipia stret na ino save go moa long 4 mail maket long Madang.

Amos Pando
Fox City, Madang

Kanage wantaim poro bilong em tupela i lukim wanpela mango diwai i gat planti mango mau i stap.

Na tupela tingting long kam kisim long nait. Okei nait nau tupela ikam kisim mango istap na papa bilong mango i harim nois antap long mango diwai.

Na em i singaut, husat i stap antap mi kam nau. Kanage em stap antap long het bilong diwai na poro bilong em i stap klostu long

graun. Na taim poro bilong Kanage i harim singaut em igo pinis na Kanage i laik kam daun hariap. Na em ino holim gut ol diwai na em pundaun igo daun na em i hangamap long diwai.

Em ino ting olsem em istap klostu long graun bikos nait olsem na em ino lukim. Em istap igo na tulait ikam na em i lukim olsem em i stap klostu long graun na em i wik na pundaun.

James Yara
Pot Mosbi, NCD

Kanage em i bilong/Nipa long Sauten Hailens provins. Wanpela taim em i kam long Hagen na em igo wok long plantesen bilong Paul Pora.

Na long fotnait em i kisim K16. Long apinun Kanage i karim K16 igo long Dobel maket na em i baim longpela mutrus na em i laitim na pulim smok na igo long haus bilong em.

Na long rot tupela raskol i kam na pulim bilum bilong Kanage na tupela i karim igo pinis.

Na bihain wanpela plis kar i kam na Kanage i stopim plis kar na stori long ol plis olsem. "Mi wok rong plansesin bilong Pol Pora, na em i kipim sikin kina rong mi, na mi karem igo rong Dobid makes 20t mi paim wanpela rongpela mutrus. K15.80 mi karem ko rong haus.

Rong rot tupela raskots i kam, na pulim bilum bilong mi. Na mi tok bilum bilong yu o bilum bilong mi.

Wanpela i kam em pundaun tupela kam mi pundaun nating na tupela kisim bilum bilong mi na ko pinis."

Ol plis i harim tok pisin bilong Kanage na ol i nogat tok, lap i bagarapim ol na ol i lusim Kanage na ol i kalap long kar na go pinis.

Dickson M
Mt Hagen, WHP

Kanage



Mi
raun tasol!
Yu save, Kain
bilong em!!

NOKEN LUS TINGTING!
SALIM OL PANI STORI I KAM LONG KANAGE.
EM STORI PES BILONG YUMI OLGETA YAH!!!

KANAGE EM SPAK NOGUT TRU
LONG NIU YIA NA EM WOKABAUT
IGO LONG HAUS BILONG EM...



LONG HAP ROT BAGAI I KISIM
TAIM LONG PISPIS...



EM PAINIM PABLIK TOILET
TASOL NOGAT WANPELA ISTAP
KLOSTU LONG EM...



NAU EM LUKIM WANPELA
PAWA POS NA GO SANAP
KLOSTU NA PISPIS LONG EM...



INO LONGTAIM NA WANPELA POLIS
KAR I KAM NA BIKMAUS LONG EM...



She's Perfect...

...and she's also HIV+.

She's beautiful. She looks after herself. She studies hard and goes to church with her family. And through no fault of her own she's also HIV+.


Because you can't tell who's carrying the virus that causes AIDS, there's only one checklist you should use to stay safe.

- If you're unsure, don't have sex.
- Always be faithful to one uninfected partner who's also faithful to you.

Stay true for life

Protect yourself from

AIDS



Tolukuma Gol Main i stap 100km long not bilong Pot Mosbi, em i wanpela jewel o daimon long kraun bilong Durban Roodepoort Deep (DRD) - em i wanpela bikpela na kamap namba foa(4) maining kampani.

DRD i bung wantaim Tolukuma long wokim wok olsem independent gol produsa, surukim moa sindaun bilong main, sefti na karim moa mani i kam insait.

DRD i kirapim pinis wok lukaut na developmen progrem long Tolukuma long luksave ol nupela we bilong karim kaikai (risoses), surukim sindaun bilong main na apim moa wok o prodaksen.

Long lukluk long groa bilong maiñ, Tolukuma bai olgeta taim:

- Lukautim sindaun o sefti bilong olgeta wokfos bilong em
- Givim save na emploimen i go long ol lokel komyniti
- Kamapim na sapotim hap hap we i nidim developmen projek
- Lukautim na holim gut envairomen o graun bilong yumi

Tolukuma Gold Mines Limited
 (A member of the Durban Roodepoort Deep Group - www.durbans.com)
 P.O. Box 5043, Boroko Papua New Guinea

Ol menesmen na wokmanmeri bilong **Tolukuma Gol Main**

*i salim tok Amamas na Hepi Niu Yia i go long ol Bisnis Manmeri
 na ol pipel bilong Papua Niugini!*

2003 yia bai pinis nau, stap gut na lukim yupela gen long 2004!

Mine site
 Tel: (675) 329 9277
 Fax: (675) 329 9262

Port Moresby Office
 Tel. (675) 311 2899
 Fax: (675) 311 2806

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kula Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

GOL BAIYA

KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446

Fax: (675) 311 3447

PO Box 3183, BOROKO, NCD

Email: natwolaptru@datec.net.pg

GOLD MELT & ASSAY FACILITY

Momase Gold Buyers

Located at Malekula Street Lae

We buy Melt & Assay Gold

Ph: 472 5265; Fax: 472 3825

We are 100% nationally owned

MINING KAGO

THE GOLD PAN

Liklik Maining Masin bilong Salim Proline Gol gredge, 2.5", 3", 4", 5" na 6" hai banka comb, Metol detekta, Slus bokis, Gol dis, Gol wil, Rok krassa, Mekuri ritot na Planti moa ol masin bilong helpim yu kisim Planti gol hariap long taim yu wok gol. I gat ol sevis long helpim yu painim gol long Ples bilong yu. Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan

POM - Phone/Fax: 323 6052 or fax: 325 2959

Wewak - Phone/Fax: 856 1466

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daltron.com.pg



ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg

PO Box 889, Boroko, NCD

Ph: 323 4955; Fax: 323 4799

PISIN TANIM TOK



TRANSLATION
WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU
FOR MORE INFORMATION CALL BONNER HUI ON

PHONE 325 2500 OR FAX 325 2579.

email:

wordadvertising@global.net.pg

REKODING STUDIO



GMA
RECORDING STUDIO

WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

PRINTING



For all your Printing Requirements call

THE PRINTING HAUS

P.O. Box 6396 BOROKO, NCD

Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

SALIM BUK

MODAWA

PAPUA NEW GUINEA

1946-2002

BISHOP DAVID HAND KBE

Bishop David Hand has lived in, worked for, and loved Papua New Guinea and its people since 1946. This book is his story. It is available for K35.00 from the Anglican Church Office, Tokarara, Ph: 323 2489.

SEKENHAN KLOS

FRIENDTEX LTD

P.O. BOX 5049 BOROKO

PHONE: 323 1471

FAX: 323 1479

Dealers & Wholesaler Secondhand Clothing
SPEND LESS FOR BEST
PRE CHRISTMAS..... Specials
A Visit is a Must

ALL IN BALES OF 50KGS

- K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floppy Pants, Socks, Skirts, Tropical Pants, Pillowcases, S/Less Blouse, Flannel Shirts
- K880 Towels, Jean 100 PCs.

AVAILABLE & NEW STOCKS:

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price, Special discount for bulk buyers.

Location: Kenmore Trade Centre

Unit 11 off Cameron Road

Next to Arnotts Biscuits Factory - Gordons

TREID NA EKSPOT

FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS H OUSE
STANLEY ESPLANADE, PORT MORESBY

Tel: 321 4755

Fax: 321 4751

SKIN PROBLEM

SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call

Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

Peim liklik tasol na kisim moa kastoma long

WANTOK TREID DAIREKTRI!

Toktok wantaim Bonner Hui long 3252500 o feks i kam long 325 2579 bai yu no inap abrus!

Email adress: wordadvertising@global.net.pg.

KRISMAS EKSEN POTO

Wantaim Joe Ivaharia



• Krismas soka eksen long Bisini namel long lo lain Samarai na Popondetta.




• Eki Ene bilong Morata Swans i nogat sana long brukim difens bilong Morata Bullets long Kone oval.




• Sofbal paia! Pilaia bilong Gazelle i kalap hariap long beis bilong em. Wantoks i leit tru long autim em.




• Ino danis! Em tupela susa o laik resis long kisim bal long wampela netbal gem.



• Stanley Douglas bilong Morata Swans i laik setim ol fowet bilong em long krismas kap fainels.



• Krismas tas ragbi eksen long Mosbi. Taim bilong soim spid bilong yu.



• Wasaut! Nogut bal i paitim yu.. Sofbal eksen long wiken.



• Bik fowet bilong Morata Swans i kisim taim long han bilong ol Morata Bullets.

PNG bai mekim ol narapela kantri kirap nogut long Wol Kap

STORI BILONG OL PILAIA

Paul Zuvani i raitim

LAS Mande Papua Niugin Kriket Bod i tokaut long PNG Anda 19 Kriket tim long go pilai long Wol Kap long Bangedesh long Februari 8-21, 2004.

Dispela tim i gat faivpela man bilong bat, foapela man bilong boul, foapela ol-raunda na tupela wicket kipa.

Long redim ol yet tim i kisim klostu siks (6) mun long stap long trening. Ol i wok hat long fitness, beting, bouling na filing.

Jamie Brazier bilong Australia, man husat i givim trening long ol i tok tim i mekim bikpela senis long we ol i pilai. Em i tok ol pilaia i pilai gut long we em i laikim long em. Na Brazier i gat bilip long dispela tim long kamapim sampela kaikai.

Long dispela as siaman bilong PNG Kriket Bod William Maha i tokaut long skwat bihain long

Brian Amini olsem menesa bilong tim bihain Brian i no kamap long hevi bilong wok. Karo Valo olsem namba tu bilong em na Paul Joseph em Bod i kisim em bek olsem kosa.

Long Wol Kap pilai PNG i stap long pul D wantaim Wes Indies, Pakistan na Airlen. Pul A i gat Australia, Sri Lanka, Zimbabwe na Kenada. Pul B i gat Uganda, Saut Afrika, Inglen na Nepal. Na Pul C i gat India, Nui Silan, Skotlen na as ples Bangedesh.

"Sapos mipela i winim sampela pilai, tru tru mipela bai mekim ol kantri i gat nem long kriket i kirap nogut," Jospeh i tok.

Na seketeri bilong PNG Kriket Bod Wayne Satchel i amamas long tim tasol i tok em i no lukluk tumas long bikpela samting.

Em i tok PNG i no pilai kriket longpela taim olsem ol arapela kantri. Sapos tim i win dispela bai mekim planti kantri i kirap nogut.

"Long ekspiriens bilong tupela Wol Kap pilai em long 1998 long



Ol manki i hatim trening i stap long Pot Mosbi na malolo liklik taim Wantok i kamap long kisim piksa bilong ol.

Tim em Christopher Amini (kepten), John Boto (vais kepten), Mahuru Dai (vai kepten), Assad Vala, Vivian Kila, John Gavera (Alotau), Kapena Arua, Kupana Amini, Vali Vali, Mavara Tamasi, Lahui Davai, Kila Pala, Jack Vere na William Harry (sapos em i soim olsem em i gat strong yet). Kosa Paul Joseph.

PNG Kriket Bod bipo i bin salim tupela Anda 19 tim long Wol Kap pilai long Saut Afrika long 1998 na 2002 long Nu Silan.

Long 1998 em i no bin winim wanpela pilai tasol long 2002 em i winim sampela pilai. Tasol dispela ol pilai i no inap helpim em long kwalifai long go insait long pilai Wol Kap pilai tru tru.

I gat tok olsem Anda 19 tim bilong nau long Bangedesh Wol Kap i narakain.

Dispela long wanem Bod i tokaut olsem em redim gut tim long kamapim sampela kaikai na i no bilong go kisim malolo.

Long dispela as mipela i ken askim sapos tru PNG Anda 19 Kriket tim bai inap mekim ol narapela biknem kriket kantri olsem Australia, Pakistan o Wes Indis i kirap nogut?

Long painimaut moa yumi go insait na lukluk long sampela samting.

Long sait bilong ekspirens mipela i ken tok tim i gat liklik ekspiriens. Dispela long wanem Chris Amini, Mahuru Dai, John Boto, William Harry na Vivian Kila i gat ekspiriens long pilai long 2002 Nu Silan pilai. Long dispela ol i ken strongim na helpim ol nupela pilaia long pilai gut.

seleksen bod- Numa Alu (siaman), Vavine Pala na Michael Stevens wantaim tingting bilong kosa Paul Joseph i kamap wantaim nem bilong ol pilaia na toksave long em.

Maha i tok em i amamas long gutpela wok bung namel long ol selekta, kosa na bod we ol i kamapim dispela tim.

Em i tok bod i gat bilip olsem dispela tim bai kamapim moa kaikai long dispela tim husat i bin go pilai long Namibia, Afrika long Oktoba.

Long tim we i go long Namibia i gat tripela senis tasol i kamap.

Dispela ol senis em John Gavera, Lahui Davai na Jack Vere husat i kisim ples bilong Paul Morea, Jack Lou na Gavera Dai.

Maha i tok nogut bai i gat sampela moa senis bihain long em i harim olsem wanpela pilaia i no stap orait tumas.

Bod i no amamas long harim olsem han bilong spina William Harry i no orait tumas. Harry i kisim bagarap bihain long em i bungim sampela hevi.

Long dispela tok Maha i askim seleksen bod long askim Harry long mekim sampela fitnes (strong) tes long soim olsem em inap long pilai.

Na 12-pela resev pilaia em i tok bod bai lukluk long ol olsem ol lain husat bai i no inap long go tasol sapos senis i kamap bai kisim ol long kisim ples.

Long go pas long tim Christopher Amini i stap olsem kepten na John Boto na Mahuru Dai i tupela namba tu bilong em.

Long dispela taim Bod i makim Vele Amini long kisim ples bilong

Treia Jamie Brazer husat i wok aninit long AusAID long redim Anda 19 tim i tok: " em i gutpela tim. I gat ekspiriens long Chris Amini, Mahuru Dai, John Boto, William Harry na Vivian Kila i bin pilai long 2002 Nu Silan Wol Kap pilai.

Long pilai wantaim Pakistan na Wes Indis tim i no ken pret long ol. Ol i mas pilaim tasol pilai bilong ol.

"Ol manki i tren gut. Ol i mekim bikpela senis long fitnes (strong) bilong ol. Mipela i tren tripela de long wanpela wik.

"Long ol de i go pinis mipela i wok long fitnes. Nau i go bai mipela wok long beting, bouling na filing.

"Olgeta i soim kain pilai we mi gat tingting long em.

"Long go pilai mi askim ol long wok hat na pilai tasol long pilai bilong ol.

Na kosa Paul Joseph husat i namba wan taim bilong em long kisim tim i go long Wol Kap i gat wankain tingting long tim.

Em i laikim bai ol i mas i gat gutpela tingting tasol taim ol i pilai.

"Bod i mekim liklik senis tasol dispela tim we i bin go pilai long Namibia. Tasol mi amamas long dispela tim," Joseph i tok.

"Wol Kap em i bikpela samting na mipela bai pilai wantaim ol namba wan tim tasol olsem na mipela i mas go wantaim gutpela tim.

"Sapos mipela inap long winim tupela top ples bai mipela go insait long supra lig na pilai long Wol Kap fainels. Sapos nogat mipela bai pilaim boul fainel o plet fainel.

Saut Afrika na 2002 long Nu Silan mi ting dispela i mas helpim mipela long win liklik," Satchel i tok.

"Dispela em yangpela tim na mi no laik long putim presa. Tasol wantaim kain save mipela i gat wantaim trening tim i kisim aninit long (Jamie) Brazer mi bilip tim bai mekim planti lain i kirap nogut.

"Ol sans i stap tasol em we yumi yusim ol. Sapos yumi pilai gut bai yumi lukim kaikai.

"Mi gat bilip long kosa Paul Joseph olsem em bai mekim olgeta samting long mekim nem bilong kantri.

"Mi hop tu olsem (PNG) Gavman bai saptim tim tu," Satchel i tok.

Pastaim long dispela Chris Amini na Mahuru Dai bai stap insait long Is Asia Pasifik tim na pilai long Australia Kantri Sempionsip we bai kamap long Australia long Januari 4-15. Dispela tim bai lusim kantri long tumoro.

Long Is-Esia na Pasifik kwalifaing pilai long Namibia PNG Anda 19 tim i stap long Grup A wantaim Uganda, Zambia na Nigeria we ol i winim olgeta pilai bilong ol. Kenya i wina bilong Grup B we i gat Namibia, Fiji na Tanzania.

Long semi fainel PNG i pilai wantaim namba tu bilong grup B em Namibia na winim ol. Na Uganda husat i namba tu bilong Grup A i pilai wantaim Kenya na winim ol.

Dispela i lukim PNG i pilai wantaim Uganda long gren fainel. Long gren fainel PNG i winim Uganda long 53 ron.

- Anda 19 Kriket tim Ol pilaia**
1. Christopher Amini (kepten)
Krismas: 19
De mama karim: 12 Jun, 1984
Klab: Coasters (Pom Kriket kompetisen)
Posisen- beting/bouling
 2. Mahuru Dai (vais kepten)
Krismas: 19
De mama karim: 30 May, 1984
Klab: United
Beting/bouling
 3. John Boto (vais kepten)
Krismas: 19
De mama karim: 11 Februari, 1984
Klab: Hoods
Beting/bouling
 4. Vivian Kila
Krismas: 19
De mama karim: 24, Januari, 1984
Klab: Raukele
Beting/bouling
 5. William Harry
Krismas: 18
De mama karim: 23, Mei 1985
Klab: Coasters
Beting/bouling
 6. Assad Vala
Krismas: 16
De mama karim: 5, Ogas 1987
Klab: Hoods
Beting
 7. Kila Pala
Krismas: 17
De mama karim: 16, Mei 1986
Klab: Raukele
Beting/ wicket kipa
 8. Kupanarigo Amini
Krismas: 19
De mama karim: 10, Februari 1984
Klab: Coasters
Beting/bouling
 9. Vali Vali
Krismas: 20
De mama karim: 17, Disemba 1983
Klab: Mobil STC
Beting/bouling
 10. Mavara Tamasi
Krismas: 19
De mama karim: 25, Oktoba 1984
Klab: United
Beting/bouling
 11. Kapena Arua
Krismas: 17
De mama karim: 24, Februari 1986
Klab: United
Beting/bouling

2003 spot yia i kamap gut maski i gat ol hevi bilong mani

Paul Zuvani i raitim

MERI Krismas na Hepi 2004 Pax et bonum!

Yumi nau bai lukluk long 2003 spot yia.

Long bikpela piksa mipela i ken tok 2003 spot yia i kamap gut maski i bin gat ol hevi.

Dispela long wanem tripela bikpela pilai long 2003 spot kalenda bilong PNG Spot Komisen na PNG Spot Federesen- Arafura, Saut Pasifik na PNG Provinsal Gem PNG i redim gu' ol tim long go pilai o kamap na pilaim ol.

Bikpela hevi ol spot grup i bungim em painim mani, redim na salim ol tim, spot-manmeri na edministreta long pilai na wok bilong ol. (Hevi long mani i no hevi bilong spot tasol, em hevi bilong klostu olgeta komyuniti long kantri).

Narapela samting we i givim hevi long sampela spot em edministresen na menesmen. Menesmen i no wok gut long sampela spot olsem basketbol, volibol na soka na olsem ol pilai i no kamap strong long helpim ol spotmanmeri.

Sapos ol dispela hevi i nogat mipela i ken tok ol arapela samting bilong spot i kamap gut.

Long go insait moa long spot rivi yumi stat hia wan-taim stori bilong ol bikpela pilai.

Long Arafura Gem PNG i redim tim tasol i no go. Dispela em long wanem ol oganaisa bilong gem i stapim ol pilai long kamap long hevi bilong sik SARS. Sapos PNG i kamap i gat bilip olsem em inap long mekim gut. Dispela ol pilai i save kamap long Darwin, Australia long Mei. Long ol yia bipo PNG i save kamap na sampela taim em i save mekim gut na winim ol arapela kantri long Pasifik na Asia.

Long Saut Pasifik Gems long Suva, Fiji PNG i kamap namba foa ples bihain long Nu Kaledonia (242 medol), Fiji 198, Tahiti 128 na PNG 81 (53 gol, 28 silva na 20 brons). Dispela ol pilai i kamap namel long mun Jun na Julai.

Bihain long ol pilai General Seketeri bilong PNG Spot Federesen Sir John Dawanincura i tok tru PNG i painim hevi long redim tim namba bilong ol medol em i winim i soim olsem em i pilai gut.


Tupela bikpela wari i kamap long dispela gem em man bilong ron Peter Pulu na wol amatua kikkoksing sempion Stanley Nandex i lus.

Pastaim long PNG i go i bin gat bikpela luksave olsem Pulu i king bilong 100 mita long Saut Pasifik riji na Nandex husat i wol amata kikkoksing sempion em ol man i bilip i nogat wanpela man bai abrusim em long winim gol medol. Tasol sori tumas i lus. Nandex i lus long wanem i gat tok olsem em i no redi

yet taim birua bilong em i kikim em na brukim sait bun bilong em. Dispela i mekim na em i slip long haus sik na i no pilai.

Wanpela man tasol husat i rekim ol 7-pela gol medol em swima Ryan Pini. I nogat

I gat toktok long PNG Spots Opis olsem tim husat i kamap namba wan long wan wan spot olsem soka, basketbol na narapela moa ol spot i ken makim kantri na go stret pilai long Arafura Gems. Sapos dispela tok i



• PNG Hockey tim insait long fainels long Saut Pacific gems long Fiji.

wanpela man inap long holim em long wanem spit bilong em i olsem bilong dolpin. Narapela lain husat i kisim luksave long dispela taim em rilei tim we Pulu, Geoffrey Bai, Mowen Boiono na Clement Abai i brukim lewa bilong Fiji tim na ol manmeri taim ol i winim dispela resis.

Rilei em laspela pilai na Fiji i wok long redi long win tasol i abrus na ol manki PNG i stilim.

Dispela em ol intanesenel pilai tasol kam bek long nesanel pilai yumji lukluk long Provinsal Gem.

Provinsal Gem i nesanel pilai we em i stat tasol long Oktoba, 2003.

Long dispela gem ol wan wan provins i kamapim tim bilong ol long wan wan ol spot na kamap pilai wantaim ol narapela provins.

Dispela ol pilai i kamap long Nesanel Spot Institut long Goroka, Isten Hailans provins long Oktoba 10-15.

Goroka i kamap namba wan, Morobe namba tu na Westen Hailans kamap namba tri. Inap long olgeta provins i kamap na pilai tasol hevi bilong mani i mekim na 14-pela provins tasol i kamap.

Ol provins we i no kamap em Is Nu Britan, Nu Allan, Sandaun, Sentrel, Westen na Milen Be.

tru bai i gat senis long ol namba bilong ol tim i go long Arafura Gem long 2004.

Em i nupela taim na olsem ol oganaisa i no tokaut sapos ol dispela pilai bai kamap olgeta yia o long tuya bihain. PNG Spot Komisen na Spot Federesen i givim luksave long dispela pilai.

As tingting bilong kamapim dispela pilai em long givim taim long ol manmeri long ples. long soim save na strong bilong ol long pilai. Sapos wan wan pilai i pilai gut bai i gat sans bilong ol long stap insait long developmen skwat bilong ol federesen. Na tu em long givim sans long wan wan ol federesen long painim na kisim husat pilaia ol i ting i gat save long pilai na trenim ol.

Em ol toktok bilong ol Gem tasol nau yumi go long edministresen.

Long sait bilong edministresen i gat senis long presiden bilong PNG Spots Federesen. Nupela man em Sir Henry ToRobert. Sir Henry i kisim ples bilong Henry Kila. Long Sir Henry dispela i no nupela wok bilong em. Em i bin holim dispela wok bipo long Kila i kisim na nau em i go bek na mekim gen.

Long sait bilong ileksen bilong general seketeri bilong PNGSF Sir John Dawanincura i winim bek sia

bilong em. I luk olsem em bai stap 10-pela yia olgeta long dispela sia.

Long PNG Ragbi Lig Jim Robins husat i wok wantaim Nesanel Rises Institut i kisim ples bilong Ekting Sif Megistret John Numapo na kamap siaman bilong Lig. Pastaim Robins i stap olsem namba tu bilong Numapo.

Long soka ileksen bilong presiden bilong PNG Futbol Asosiesen i mas kamap tasol nau i stop bihain long tupela kandidat bilong presiden David Chung na Ainea Sengero i kisim dispela tok tok i go long kot.

Long ol narapela opisa sampela i lusim laip bilong ol. Tupela bilong ol dispela lain em leit Quintin Pambuai long soka na Maurice Elavo long Basketbol.

Pambuai i dai long Julai bihain long em i gat hevi long wanpela kidni bilong em. Bipo long dispela leit Pambuai i save mekim strong long soka pastaim olsem pilaia na bihain olsem edministreta.

Long leit Elavo em i lusim laip bilong em long sik kensa o strongpela sua long het long stat bilong mun Desemba. Elavo i mekim wok bilong basketbol inap long taim em i dai.

Pinis long edministresen yumi go long wan wan ol federesen, yunion o lig.

Long dispela yumi ken tok i gat ol intanesenel sempionsip long wetlifting, atletiks, swimming, kriket na ragbi lig Tes.

Long atletiks PNG Atletiks Yunion i salim ol pilaia long Osenia Gren Priks, Saut Pasifik Gem na ol narapela intanesenel pilai. Long ol dispela pilai PNG i mekim gut. Nau yet Pulu (100m sprin), Bai (400m), Boiono (400m hedol) na Sandy Katusele (Hai jam) i stap tren long Los Angeles, Amerika. Pulu, Bai na Boiono i gat sans long kualifai long

2004 Olimpik Gem long Greece. Sapos ol i winim mak em ol opisa bilong Olimpik i laikim ol bai ron long dispela taim.

Katusele bai kisim dispela taim long Amerika long redim em yet long narapela Olimpik Gem bihain.

Long kriket yumi gat Andra 19 tim husat i mekim gut long Namibia, Afrika kwali-faing pilai na nau ol bai go pilai long Wol Kap long Bangladesh namel long mun Februari na Mas. Em sans bilong ol long winim Wol Kap. Mipela i tok gud lak long ol.

Long ragbi lig em i namba wan taim long histri bilong ragbi long kantri we PNG Presiden 13 i abrusim Australia Junia Kangaroos 24-22 long namba tu Tes.

Long namba wan Tes ol manki PNG hapkas i stap long Australia i makim PNG na pilai long Darwin, Australia na skoa i sanap Kangaroo win 22-18. Kos bilong dispela ol lain em PNG Kumul kos Bob Bennett.

Tasol long namba tu Tes em ol mangi PNG stret husat i save pilai insait long kantri na kosa bilong ol em Ivan Ravu.

I nogat wanpela PNG tim i winim Australia inap long 19 Oktoba we Presiden 13 i kamapim nupela rekod.

Long wan wan ol pilai Marcus Bai i lusim Melbon Stom na nau bai go joinim Leeds klab long Inglen long Inglis supra-lig kompetisen.

Long soka wanpela soka klab long Nu Silan i kisim Reggie Davani na em i save pilai wantaim dispela klab stat long las yia.

Long Aussie Ruls Mal Michael i stap wantaim Brisbane Lions na win tripela Aussie Ruls gren fainel. Laspela long 2003.

Long swimming Ryan Pini i winim 7-pela gol medol na

wanpela silva long Saut Pasifik Gems.

Dispela long 50m, 100m, 200m strok. Em i mekim gut tu long Australia sempionsip we em i swim wantain ol wol taitel holda. Em i save kamap long namba foa ples bihain long sempion bilong wol.

Long wetlifting Dika Toua i winim PNG Olimpik Solidariti skolasip na stap tren long Sigatoka Spot Institut long Fiji.

Long dispela hap em i go pilai long wol sempionsip long Keneda long klostu pinis bilong mun Novemba, 2003 na brukim rekod bilong Osenia na Saut Pasifik Gem long 53 kilo grem divisen.

Em i winim 3-pela gol medol long 53.5 kilo grem divison long klin 'n' jek na snets. Wantaim em long SP Gem em wanpela man tasol Jeffery Robby husat tu i winim 3-pela gol medol long 56 kilo grem divisen.

Long ol narapela ektiviti olsem fan reising, kos na miting o woksop ol i kamap gut.

Long fan reising i bin i gat Fan Ran oksen, Praim Minista Golf na Praim Minista Selebriti Wokabout.

Dispela tripela pilai wantaim helpim bilong ol kampani na gavman i helpim PNG Spot Federesen long salim PNG tim i go long Saut Pasifik Gem, na long ol narapela wok bilong Federesen. Na Trukai Fan Ran i kamap long Julai.

Long ol kos PNG Spot Federesen i holim wanpela Spot Saiens Kos long Februari. Dispela em wanpela man long Australia i kam na givim.

Planti spot edministreta i kamap long kos. Narapela tupela em Spot Woksop we i kamap long Goroka long stat bilong Oktoba na narapela em Jubili Polisi Woksop we i kamap long pinis bilong Oktoba..


Long ples bilong kamapim ol pilai PNG Futbol Asosiesen i gat wanpela multi-milion kina spot kompeks na trening ples we i kamap long 10 Mail, Lae, Morobe provins.

Dispela ples em PNG Futbol Asosiesen i kisim helpim long Federesen bilong Intanesenel Futbol Asosiesen (FIFA).

Dispela i givim gutpela piksa long ol narapela spot long ol yet i mas i gat ples bilong stap tren na developim ol pilaia bilong ol.

Em tasol.


Wantok Nius i no inap tokaut long olgeta samting i kamap long 2003 spot yia tasol em i givim wanem samting em i ken tingim. Em i wisim yupela gutpela 2004 spot yia.



• PNG 56kg wetlifita Jeffrey Robby i hapim ain long Fiji Saut Pasifik Gem. Robby i winim 3-pela gol medol.

Morata Swans winim Krismas Kap Salens

Joe Ivaharia
i raitim



• Prop fowet bilong Morata Swans Kevin Kepas i laik brukim takol bilong ol boi Morata Bullets long Krismas Kap ragbi lig resis las Sande. Ol Swans i winim gem 20-18. Foto: JOE IVAHARIA

Na long fowet i gat George Sine, Andy Mal, James Kala, Semi Afaisa, Ronien Napa na Gola Johns.
Swans i skoa pas taim winga Joshua Lapa i bin skoa bihain long sampela gutpela bol wok.
Faiv-eit Stanley Douglas i konvetim gut trai na i mekim ol i go pas wantaim 6-0 poin.
Dispela i mekim Bullets i no amamas long ol i nogat poin yet olsem na ol i stat pilai strong we i lukim fulbek Westrlly Jeffery i bekim trai

bihain tasol long faiv minit. Kik i no kamap gut na ol i go bihain wantaim 4-6 skoa.
Ol Bullets i kisim strong long dispela trai we i lukim Mal, Sine, Afaisa, Kala, Napa na Johns bungim tingting na brukim difens bilong ol Swans we insait senta Amos Pako i silipim bal long trai lain bilong Swans long lukim ol i go pas wantaim 8-6 skoa bihain long konvesen kik i no kamap gut.
Klostu long hap taim ol Bullets i pilai krangkli liklik we i lukim wanpela pilai bilong ol i

mekim asua na Swans i kisim dispela sans klostu long 20 mita mak bilong Bullets.

Ol Swans i tromoi bal i go i kam we i lukim risev prop Kevin Kepas i skoarim namba tu trai klostu long tupela pos na hapbek Jobi-Kay i kikim konvesen. Dispela i lukim ol i go pas wantaim 12-8 poin.

Bihain long hap taim ol Bullets i no westim taim na ol i mekim wanpela gutpela beklain pilai we i lukim fulbek Westley i ron long saittain na pasim bal i go insait ken long Junia Paul Gul husat i wok long bekap long skoa na Westley yet i konvetim dispela trai long surukim skoa i go 14-12.

Tasol dispela i no stapim ol Swans we i lukim winga Saka James bekim trai gen. Douglas i konvetim gut tu poin na skoa i sanap 18-14.

Ol Bullets tu i no givap na long wanpela skram win klostu long trai lain bilong Swans, faivet Gul i salim bal i go hariap long ol beklain pilai we i lukim winga John Wayne i skoa long lokim skoa long 18-18 bihain long kik i abrus.

Klostu long fultaim we i bin gat olsem tenpela minit i stap yet Swans i kisim wanpela laki penalti taim refri i lukim ol Bullets pilai i sanap opsait. Dispela i lukim hapbek Joby Kay makim gut na kikim tu poin long kisim surukim skoa i go 20-18 we ol i lokim i go inap long fultaim na winim pilai.

MORATA Swans i rausim tiket bilong Morata Bullets 20-18 long winim Morata Ragbi Lig Asosiesen Krismas Kap salens wantaim K1000 prais mani.

Dispela gem i kamap bihain 12-pela tim i kilim skin long pilaiam dispela kap.

Bullets husat i rana-ap i kisim K600, Post Puma i kisim plet wantaim K300 na 7 Mile Jets i kisim boul wantaim K200.

Dispela ol pilai i bin kamap long Kone Tigers ragbi lig graun stat long Fraide yet we planti manmeri i kamap long lukim.

Long pilai yet Swans na Bullets wantaim i bin gat sampela pilai husat i save pilai long Mosbi ragbi lig kompetisen.

Swans i gat ol pilai olsem faiv-eit Stanley Douglas, hapbek Jobi Kay, Joshua Lapa, Eki Ene, Apsi Kuman, Genes Lua na Saka James long beklain na long ol fowet em kepten Dominic Rema i go pas wantaim Peter Mond, Aron Mulaga, Rolen Kulapai, Thomas Ninkama na Eric Philip.

Long sait bilong Bullets em i gat faiv-eit Paul Gul Junia na fulbek Westley Jeffery husat i go pas long beklain wantaim apot i kam long Mula Afaisa, Amos Pako, Paul Tumbako, John Wayne na Fata Mugasa.

OL HAP HAP OVASIS SPOT

Namba wan pilai bilong India, Sachin Tendulka paulim Australia

NAMBA wan man bilong bat bilong India Kriket tim i paulim tingting bilong planti ol lain Australia.

Sanchin Tendulka husat i save kamapim klostu 100 ran, planti em i save abrusim 50 i no bin kamap na pilai long namba tri Tes Mes taim India i pilai wantaim Australia.

Pastaim long dispela Tendulka i no inap long mekim moa long 50 ran na i save lus hariap taim ol boula i autim em. Las bikipela ran bilong em 37.

Kain pilai bilong em i mekim na planti na kriket save lain bilong Australia i paul sapos tru Tendulka i no inap long pilai gut o em i wok long giamaninim ol tasol.

Long em i no kamap na pilai spina bilong India Anil Kumble i tok em laik bilong Tendulka na ol i senisim na putim narapela long kisim ples bilong em.

Tasol wanem samting i kamap olgeta man husat i pilaim na lukim kriket i laik lukim Tendulka mas kamaut na kirapim bek stail pilai bilong em na helpim India long win.

Plis mekim wok painimaut long Ingran pilai

INGLAN Tes kriket man Graham Thorpe i stap aninit long wok painimaut bilong plis.

Dispela em bihain long Surrey Plis i kisim tok-tok olsem i gat kros pait namel long bipo meri bilong Thorpe wantaim nupela poromeri bilong em na em yet.

Dispela kros pait i kamap long Krismas taim. Plis i tok i nogat liklik bagarap tasol i kamap long dispela taim.

Thorpe, 34 husat i go bek tasol bihain long kriket pilai bilong Ingran wantaim Sri Lanka long Sri Lanka i painim dispela hevi long olupela meri bilong em i no amamas long em i lusim em na kisim nupela meri.

Nau yet olupela meri i stap wantaim tupela pikinini bilong tupela.

"Surrey Plis i bihainim singaut long kros pait i kamap long famili long Epsom haus long belo long Desemba 26," wanpela mausman bilong Surrey Plis i tok.

"I gat tok long sampela hevi i kamap tasol plis i no arestim wanpela man yet.

Thorpe bipo em i go long Sri Lanka i bin mekim 124 ran olgeta long taim ol i pilai wantaim Saut Afrika long Septemba. Dispela em bihain long Thorpe i stap aut long tim sampela taim.

Wol Ragbi Lig Seven resis i bihainim nupela rul bilong pilai

BAI i gat bikipela Wol Ragbi Lig Sevens kompetisen long Australia stat long Januari 21, 2004.

Long dispela taim Greg Florimo, bipo North Sydney Ragbi Lig Klub lida i tok yusim dispela ol gem long redim em yet na kisim bek strong long bikipela nesenel ragbi lig kompetisen.

Norths bai wanpela bilong ol 12-pela tim husat bai pilai long kwalifaing pilai na stap insait long dispela Wol Ragbi Lig Sevens kompetisen.

"Mipela bai traim long kisim strong long Wol Sevens long kam bek long intenesenel pilai bilong mipela," Florimo i tok.

Ol kain tim olsem Balmain, Newtown, Western Surbur, llawara Steelers na St George i no stap olsem klab bilong ol yet bihain long kain pilai bilong ol i no kamap gut na olsem ol i pinis long Nesenel Ragbi Lig kom. Sampela i pinis long hevi bilong mani.

Tasol long dispela taim Norths i lukim dispela Wol Sevens olsem sans bilong em long kam bek na stap olsem klab bilong em yet.

Long wankain taim tu Stuart Raper, nupela kosa bilong Cronulla Sharks i wok long tingting planti long wanem we em bai go pas long tim long pilai long Wol Sevens.

Namba wan tim em bai bungim em Paramatta Eels.

Sharks i stap long strongpela kompetisen grup wantaim Paramatta na Widnes- wanpela tim tasol bilong Ingran.

Wantaim long ol tim bilong Australia bai i gat tim long Fiji, Tonga, PNG, Samoa, Lebanon, Rasia, Frens, Ingran na Nu Silan.

Andrew kamap Osenia Mes Komisina

PAPUA Niugini i redi long go pilai long Osenia Konfederesen Futbol kwalifaing pilai long Aukland, Niu Silan long Jenuari 14-22, 2004.

Dispela OFC kwalifaing pilai i stap aninit long Federesen bilong Intenesenel Futbol Asosiesen (FIFA).

PNG i stap long grup B wantaim Australia, Fiji, Samoa na Solomon Ailan. Grup A i gat Amerika Samoa, Cook Ailan, Niu Silan, Tahiti naVanuatu.

Wina bilong grup A bai pilai wantaim wina bilong grup B. Na wina bilong dispela gren fainal pilai bai makim Osenia rigen long go stret long 2004 Olimpik Gem futbol tonamen long Athens, Greece.

Long dispela taim tu OFC opisa i makim Madiu Andrew, presiden bilong Papua Niugini Futbol Asosiesen long go pas long lukaut bilong ol dispela gem insait long

Grup B. Em bai stap olsem Mes Komisina bilong dispela ol pilai long Niu Silan.

Long wankain taim tu em bai go pas long makim PNG wantaim tupela top referi bilong kantri em Gidas Bayung bilong Lae husat ol i makim em referi na Hilary Ani bilong Pot Mosbi bai i asisten referi.

Long OFC i makim Andrew, ekting operesen menesa bilong PNGFA, John Wesley i tok OFC i makim Andrew long wok bilong soka i gutpela long kantri.

"Dispela i soim olsem OFC i gat bilip long ol soka lida bilong mipela"

PNG bai pilaim fes gem bilong em egen-sim Solomon Ailan long 14 Jenuari, na bihain Australia (16 Jenuari), Fiji (18 Jenuari) na laspela gem wantaim Samoa long Januari 22.

Sofbol bai kamap long ol Komenwel Gems

Paul Zuvani i raitim

PRESIDEN bilong Intenesenel Sofbol Federesen Don Porter i tokaut long anual general miting bilong Federesen long las mun olsem Komenwel Gems komiti nau i tok orait long sofbol pilai long kamap long gems.

Em i tok sofbol bai stat kamap long Melbon, Australia 26 Mas 2006 Komenwel Gems.

Long dispela as Papua Niugini Sofbol Federesen bai mekim olgeta samting long painim ples long stap insait long dispela pilai, Sekreteri General bilong Federesen, Francis Nambon i tok.

Long strongim dispela tingting Nambon i tok Federesen i gat planti ol intenesenel na nesenel even i stap long 2004 kalenda we em i tok bai strongim pilai bilong em.

Dispela em ol even we bai stat long 2004 i go inap long 2008.

Long Epril 2004 bai i gat nesenel sempionsip long Lae, long Septemba 2004 bai i gat nesenel sofbol klab sempionsip (ples i no makim yet), Novemba 2004 Wol

Kwalifaing Siris Niu Silan, Epril 2005 nesenel sofbol sempionsip, Julai 2005 Wol Anda 19 man siris long Prins Edward ailan, Kanada, Septemba 2005 nesenel klab sempionsip, Mas 2006 Komenwel Gems Melbon Australia, Epril 2006 nesenel klab sempionsip, Julai 2006 Junia Anda 19 nesenel sempionsip, Septemba 2006 nesenel klab sempionsip, Oktoba 2006 Wimen Wol Siris Beijing Saina, Epril 2007 nesenel sempionsip, 2007 Saut Pasifik Gems Samoa, Julai 2007 Junia nesenel sempionsip, Septemba 2007 nesenel klab sempionsip, Epril 2008 nesenel sempionsip, Julai 2008 Junia nesenel sempionsip, 2008 Olimpik Gems Beijing Saina na Septemba 2008 nesenel klab sempionsip.


Mipela i lukluk long wok bung wantaim PNG Spots Federesen long lukim olsem olgeta samting i go stret long plin bilong mipela long apim standet bilong pilai i go long mak bilong intenesenel pilai, em i tok.

Long wankain taim tu redim mani long kamap long ol dispela pilai, Nambon i tok.

LAE
BISCUIT

WANTOK

Spots

LAE
BISCUIT

WANTOK Niuspepa i makim biknem ragbi lig pilaia Marcus Bai wantaim PNG na Osenia sempion wetlifta Dika Toua olsem 2003 spotmanmeri.

Bai husat i mekim biknem long Australia Nesenel Ragbi Lig kompetisen taim em i stap wantaim Melbourne Storm i pinis pilai long Australia long 2003. Dispela yia em bai go pilai long Leeds long Ingran insait long supa lig resis.

Wantok i amamas long Bai i apim nem bilong Papua Niugini long strongpela kompetisen bilong Australia lig. Na meri Hanuabada Dika Toua em sempion bilong 53kg divisen long PNG na Osenia rijen.

Toua i winim Olimpik Solidariti Skolasip na i tren long Sigatoka Spot Institut long Fiji stat long 2003.

Wantok Niuspepa i givim bikipela amamas long Toua na Bai long gutpela pilai bilong tupela.

na meri

Lukim pes 30 long lukluk bek long spot long 2003.

Arrow
BEEF BISCKET
55g NET

Proudly
made in
PNG

PNG
MADE

Liklik prais bisket oltaim! Always hits the spot!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.